

三經註疏 論語

漢書門	
四	類
一	號
二	函
六	架
一	冊

內閣文庫	
四	漢書
一	類
三	號
二	函
六	架
一	冊

內閣文庫	
番號	漢 4315
冊數	126 (113)
函號	276 26

全四冊

0 1 2 3 4 5 6 7 8 9

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



論語註疏解經序

皇明朝列大夫國子監祭酒臣李長春等奉

勅重較刊

皇明朝列大夫國子監祭酒臣吳士元 承德郎司業仍加俸一級臣黃錦等奉
旨重修

序解

正義曰案漢書藝文志云論語者孔子應答弟
子時人及弟子相與言而接聞於夫子之語也

當時弟子各有所記夫子既卒門人相與輯而論纂
故謂之論語然則夫子既終微言已絕弟子恐離居
已後各生異見而聖言永滅故相與論撰因採時賢
及古明王之語合成一法謂之論語也鄭玄云仲弓
子游子夏等撰定論者論也輪也理也次也撰也以
此書可以經綸世務故曰綸也圓轉無窮故曰輪也
蘊舍萬理故曰理也篇章有序故曰次也羣賢集定
故曰撰也鄭玄周禮注云答述曰語以此書所載皆
仲尼應答弟子及時人之辭故曰語而在論下者必
經論撰然後載之以示非妄謬也以其口相傳授故

萬曆十四年刊

吾流序

一

經焚書而獨存也漢興傳者則有三家魯論語者魯人所傳即今所行篇次是也常山都尉龔奮會長信少府夏侯勝丞相韋賢及子玄成魯扶卿太子太傅夏侯建前將軍蕭望之竝傳之各自名家齊論者齊人章句頗多於魯論昌邑中尉王吉少府朱畸琅邪王卿御史大夫貢禹尚書令五鹿充宗膠東庸生竝傳之唯王吉名家古論語者出自孔氏壁中凡二十一篇有雨子張篇次不與齊魯論同孔安國為傳後漢馬融亦注之安昌侯張禹受魯論于夏侯建又從庸生王吉受齊論擇善而從號曰張侯論最後而行於漢世禹以論授成帝後漢色咸周氏竝為章句列於學官鄭玄就魯論張包周之篇章考之齊古為之注焉魏吏部尚書何晏集孔安國包咸周氏馬融鄭玄陳羣王肅周生烈之說并下已意為集解正始中上之盛行於世今以為王焉序者何晏次序傳授訓說之人乃已集解之意序為論語而作故曰論語序

敘曰漢中壘校尉劉向言魯論語二十篇皆孔子弟子

記諸善言也太子太傅夏侯勝前將軍蕭望之丞相

韋賢及子玄成等傳之疏敘曰至傳之○正義曰此

也敘與序音義同曰者發語辭也案漢書百官公卿表云中壘校尉掌北軍壘門內外掌西域顏師古曰掌北軍壘門之內而又外掌西域劉向者高祖少弟楚元王之後辟疆之孫德之子字子政本名更生成帝即位更名向數上疏言得失以向為中壘校尉向為人簡易專精思於經術成帝詔校經傳諸子詩賦每一書已向輒條其篇目撮其指意錄而奏之著別錄新序此言魯論語二十篇皆孔子弟子記諸善言也蓋出於彼故何晏引之對文則直言曰言答述曰語散則言語可通故此論夫子之語而謂之善言也表又云太子太傅古官秩二于石傳云夏侯勝字長公東平人少好學為學精熟善說禮服徵為博出宣

帝立太后省政勝以尚書授太后遷長信少府坐議
廟樂事下獄繫再更冬會赦出為諫大夫上知勝素
直復為長信少府遷太子太傅受詔撰尚書論語說
賜黃金百斤年九十卒官賜家塋葬平陵太后賜錢
三百萬為勝素服五日以報師傅之恩儒者以為榮
始勝每講授常謂諸生曰士病不明經術經術苟明
其取青紫如俛拾地芥耳學經不明不如親耕表又
云前後左右將軍皆周末官秦因之位上卿金印紫
綬漢不常置或有前後或有左右皆掌兵及四夷傳
云蕭望之字長倩東海蘭陵人也好學齊詩事同縣
后倉又從夏侯勝問論語禮服以射策甲科為郎累
遷諫大夫後代丙吉為御史大夫左遷為太子太傅
及宣帝寢疾選大臣可屬者引至禁中拜望之為前
將軍元帝即位為弘恭石顯等所害飲鴆自殺太子
聞之驚拊手為之卻食涕泣哀動左右長子伋嗣為
關內侯表又云相國丞相皆秦官金印紫綬掌丞天
子助理萬機應劭曰丞承也相助也秦有左右高帝
即位置一丞相十一年更名相國綠綬孝思高后置

左右丞相文帝三年一丞相景帝元壽二年更名大
司徒傳曰韋賢字長孺魯國鄒人也賢為人質朴少
欲篤志於學兼通禮尚書以詩教授號稱鄒魯大儒
徵為博士給事中進授昭帝詩稍遷光祿大夫及宣
帝即位以先帝師甚見尊重本始三年代蔡義為丞
相封扶陽侯年七十餘為相五歲地節三年以老病
乞骸骨賜黃金百斤罷歸加賜第一區丞相致仕自
賢始年八十二薨諡曰節侯少子玄成字少翁復以
明經歷位至丞相鄒魯諺曰遺子黃金滿籩不如一
經玄成為相七年建昭三年薨諡曰共侯此四人皆
傳魯
論語
齊論語二十二篇其二十篇中章句頗多於魯

論琅邪王卿及膠東庸生昌邑中尉王吉皆以教授

疏齊論至教授。正義曰此敘齊論語之與及傳授
之人也齊論語凡二十二篇其二十篇篇名與魯
論正同其篇中章句則頗多於魯論篇者積章而成
篇編也言出情鋪事明而編者也積句以成章章者

明也總義包體所以明情者也句必聯字而三句者
局也聯字分疆所以局言者也琅邪膠東郡國名王
卿天漢元年由濟南太守為御史大夫庸生名譚生
蓋古謂有德者也昌邑中尉者表云諸侯王高帝初
置金璽蓋殺掌治其國有太傅輔王內史治國民中
尉掌武職丞相統眾官景帝中五年改丞相曰相成
帝綏和元年省內史更名相治民如郡太守中尉如
郡都尉傳云王吉字子陽琅邪阜康人也少好學明
經以郡吏舉孝廉為郎補若盧右丞遷滎陽今舉賢
良為昌邑中尉此三人皆以齊論語教授於人也

故有魯論有齊論疏

故有魯論有齊論之作及傳述之人

乃以此言 **魯共王時嘗欲以孔子宅為宮壞得古文**

論語疏

魯共王至論語正義曰此敘得古論之所由

宅為宮乃毀之於壁中故得此古文論語也傳曰魯
共王餘景帝子程姬所生以孝景前二年立為淮陽

王前三年徙王魯二十八年薨諡曰共王初好治宮
室壞孔子舊宅以廣其宮聞鐘磬琴瑟之音遂不敢
復壞於其壁中得古文經傳即謂此論語及孝經為
傳也故漢武帝謂東方朔云傳曰時然後言人不厭
其言又成帝賜翟方進策書云傳曰高而不危所以
長守貴也是漢世通謂論語孝經為傳以論語孝經
非先王之書是孔子所傳說故謂之傳所以異於先
王之書也言古文者科斗書也所謂倉頡本體周所
用之以今所不識是古人所為故名古文形多頭
麤尾細狀復團圓似水蟲之科斗故曰科斗也 **齊**

論有問王知道多於魯論二篇古論亦無此二篇分

堯曰下章子張問以為一篇有兩子張凡二十一篇

篇次不與齊魯論同疏

齊論至魯論同正義曰此
辨三論篇章之異也齊論有

無也古論亦無此二篇而分堯曰下章子張問以為一篇有兩子張凡二十一一篇如淳曰分堯曰篇後于張問何如可以從政以下為篇名曰從政其篇次又不與齊魯論同新論云文異者四百餘字安昌

侯張禹本受魯論兼講齊說善者從之號曰張侯論

為世所貴包氏周氏章句出焉安昌侯至出焉正義曰此言張禹

釋齊魯論之善者從之為世所重包周二氏為章句訓說此張侯論語也傳曰張禹字子文河內軹人也從沛郡施讎受易王陽庸生問論語既皆明習舉為郡文學父之試為博士初元中立皇太子令禹授太子論語由是遷光祿大夫數歲出為東平內史成帝即位徵禹以師賜爵關內侯給事中領尚書事河平四年代王商為丞相封安昌侯為相六歲乞骸就第建平二年薨論曰節侯禹本受魯論於夏侯建又從庸生王吉受齊論故兼講齊說也傳又云始魯扶卿及夏侯勝王陽蕭望之韋玄成皆說論語篇篇或異

禹先事王陽後從庸生采獲所安最後出而尊貴諸儒為之語曰欲不為論念張文由是學者多從張氏餘家浸微是其善者從之號曰張侯論為世所貴之事後漢儒林傳云包咸字子良會稽曲阿人也少為諸生倡魯詩論語舉孝廉除郎中建武中入授皇太子論語又為其章句拜諫議大夫永平五年遷大鴻臚周氏不詳何人章句者訓解科段之名包氏周氏就張侯論為之章句訓解以出其義理焉不言名而言氏者蓋為章句之時義在謙退不欲顯題其名但欲傳之私族散直云氏而已若杜元凱集解春秋謂之杜氏也或曰以何氏諱咸故古論唯博士孔安國沒其名但言包氏連言周氏耳

為之訓解而世不傳至順帝時南郡太守馬融亦為

之訓說古論至訓說正義曰此敘訓說古文論語之人也史記世家安國孔子十一世孫

為武帝博士時魯共王壞孔子舊宅壁中得古文虞夏商周之書及傳論語孝經悉還孔氏故安國承詔

作書傳又作古文孝經傳亦作論語訓解釋詁云訓
道也然則道其義釋其理謂之訓解以傳述言之曰
傳以釋理言之曰訓解其實一也以武帝末年遭巫
蠱事經籍道息故世不傳自此安國之後至後漢順
帝時有南郡太守馬融亦為古文論語訓說案後漢
紀孝順皇帝諱保安帝之子也地理志云南郡秦置
高帝元年更為臨江郡五年復故景帝二年復為臨
江郡中二年復故屬荆州表云郡守秦官掌治其郡
秩二千石景帝中二年更名太守傳云馬融字季長
扶風茂陵人也為人美辭貌有俊才博通經籍永初
中為校書郎陽嘉二年拜議郎梁商表為從事中郎
轉武都太守三遷為南郡太守註孝經論語詩易尚
書三禮年八十八家
延壽九年卒於家

漢末大司農鄭玄就魯論篇章考

之齊古為之註疏

漢末至之註正義曰言鄭玄亦
為論語之註也鄭玄字康成北海
高密縣人師事馬融大司農徵不起居家教授當後
漢桓靈時故云漢末註易尚書三禮論語尚書大傳

五經緯候箋毛詩作毛詩譜破許慎五經異義針何
休左氏膏肓發公羊墨守起穀梁廢疾可謂大儒作
註之時就魯論笈而章謂二十篇也復考校之以
齊論古論擇其並者而為之註與注音義同

司空陳羣太常王肅博士周生烈皆為義說疏

正義曰此敘魏時註說論語之人也年世未遠
人已歿故是近故也司空古官三公也表云奉常秦
官掌宗廟禮儀景帝中六年更名太常博士秦官掌
通古今魏志云陳羣字長文潁川許昌人也太祖時
羣為司空西曹屬文帝即位遷尚書僕射明帝即位
進封潁陰侯頃之為司空青龍四年薨王肅字子邕
東海蘭陵人魏衛將軍太常蘭陵景侯甘露元年薨
註尚書禮喪服論語孔子家語述毛詩註作聖證論
難鄭玄周生烈熒煌人七錄云字文逸本姓唐魏博
士侍中此二人皆為論語義說謂作註而說其義故
云義

前世傳授師說雖有異同不為訓解中間為之

訓解至于今多矣所見不同互有得失

前世至得

曰將作論語集解故須言先儒有得失不同之說也據今而道往古謂之前世上教下曰傳下承上曰受謂張禹以上至夏侯勝以來但師資誦說而已雖說有異者同者皆不著篇簡以為傳註訓解中間為之訓解謂自昔至今中間包氏周氏等為此論語訓解有二三十餘家故云至于今多矣以其趣舍各異故得失互有也

今集諸家之善記其姓名有不安者頗為改易

名曰論語集解

疏今集至集解。正義曰此敘集解之體例也今謂何晏時諸家謂孔

安國包咸周氏馬融鄭玄陳羣王肅周生烈也集此諸家所說善者而存之亦無勦說故各記其姓名註言包曰馬曰之類是也註但記其姓而此連言名者以著其姓所以名其人非謂名字之名也有不安者謂諸家之說於義有不安者也頗為改易者言諸家之善則存而不改其不善者頗多為改易之註者不

言包曰馬曰及諸家說下言一曰者皆是何氏自下已意改易先儒者也名曰論語集解者何氏註解既畢乃自題之也杜氏註春秋左氏傳謂之集解者謂聚集經傳為之作解也此乃聚集諸家義理以解論語言同而意異也

光祿大夫關內侯臣孫邕光祿大夫臣鄭

冲散騎常侍中領軍安鄉亭侯臣曹羲侍中臣荀顛

尚書駙馬都尉關內侯臣何晏等上疏

光祿至等上正義曰此敘同集解之人也表云大夫掌論議有太守大夫守大夫諫大夫皆無員多至數十人太初元年更名中大夫為光祿大夫秩比二千石無印綬爵級十九日關內侯顏師古曰言有侯號而居京畿無國邑孫邕字宗儒樂安青州人也晉書鄭冲字文和榮陽開封人也起自寒微卓爾立操魏文帝為太子命為文學累遷尚書郎出補陳留太守曹爽引為從事守郎轉散騎常侍光祿勳表又云侍中散騎中常侍皆加官

應劭曰入侍天子故曰侍中晉灼曰魏文帝合散騎中常侍為散騎常侍也又曰所加或列侯將軍卿大夫將都尉尚書太醫太宮令至郎中無員多至數十人如淳曰將謂都郎將以下也自列侯下至郎中皆得有散騎及中常侍也又曰侍中中常侍得入禁中散騎並乘輿車顏師古曰並音步浪及騎而散從無常職也此言中領軍者表無文安鄉亭侯者不在爵級二十之數蓋漢末及魏置亭侯列侯之倫也曹義沛國譙人魏宗室曹爽之弟荀顗字景倩荀彧之子說之弟也咸熙中為司空表又云少府秦官屬官有尚書成帝建始四年初置尚書員五人駙馬都尉掌駙馬武帝初置秩比二千石顏師古曰駙副也非正駕車皆為副馬一曰駙近也疾也何晏字平叔南陽宛人也何進之孫咸之子曹爽秉政以晏為尚書又尚公並著述凡數十篇正始中

論語註疏解經序終

論語註疏解經卷第一

魏何晏集解 宋邢昺疏

皇明朝列大夫國子監祭酒臣李長春等奉勅重較刊

皇明朝列大夫國子監祭酒臣吳士元 承德郎司業仍加俸一級臣黃錦等奉旨重修

學而第一 正義曰自此至堯曰是魯論語二十篇之名及第次也常弟子論撰之時以論

語為此書之大名學而以下為當篇之小目其篇中所載各記舊聞意及則言不為義例或亦以類相從此篇論君子孝弟仁人忠信道國之法主友之規聞政在乎行德曰禮貴於用和無求安飽以好學能自切磋而樂道皆人行之大者故為諸篇之先既以學為章首遂以名篇言人必須學也為政以下諸篇所次先儒不無意焉當篇各言其指此不煩說第順次也一數之始也言此篇於次當一也

子曰學而時習之不亦說乎 馬曰子者男子之道備

謂孔子也王曰時者學者以時誦習之誦習以時學

無廢業所以為說擇 **有朋自遠方來不亦樂乎** 包

曰同門曰朋 **人不知而不愠不亦君子乎** 愠怒也

凡入有所不知君子不怒 **疏** 子曰學而至君子乎○

君子也子者古人稱師曰子子男子之通稱此言子

者謂孔子也曰者說文云詞也從口乙聲亦象口氣

出也然則曰者發語詞也以此下是孔子之語故以

子曰冠之或言孔子曰者以記非一人各以意義無

義例也白虎通云學者覺也覺悟所未知也孔子曰

學者而能以時誦習其經業使無廢落不亦說擇子

講習不亦樂乎既有成德凡人不知而不怒之不亦

君子乎言誠君子也君子之行非一此其一行耳故

云亦也○馬曰子者至說擇○正義曰云子者男

子之通稱者經傳凡敵者相謂皆言吾子或直言子

稱師亦曰子是子者男子有德之通稱也云謂孔子

者嫌為他師故辨之公羊傳曰子沈子曰何休云沈

子稱子冠氏上者著其為師也不但言子曰者辟孔

子也其不冠子者他師也然則書傳直言子曰者皆

指孔子以其聖德著聞師範來世不須言其氏人盡

知之故也若其他傳受師說後人稱其先師之言則

以子冠氏上所以明其為師也子公羊子子沈子之

類是也若非已師而稱他有德者則不以子冠氏上

萬曆十四年刊

吾家卷一

二

播時陽用事則學之以聲陰用事則學之以事因時
 順氣初功易也三日中時學記云故君子之於學也
 藏焉脩焉息焉遊焉是日日所習也言學者以此時
 誦習所學篇簡之文及禮樂之容日知其所以無
 忘其所能所以為說懌也譙周云說深而樂淺也一
 曰在內曰說在外曰樂言亦者凡外境適心則人心
 說樂可說可樂之事其類非一此學而時習有朋言
 遠方來亦說樂之事耳故云亦猶易云亦可醜也亦
 可喜也○包曰同門曰朋○正義曰鄭玄注大司
 徒云同師曰朋同志曰友然則同門者同在師門以
 授學者也朋即羣黨之謂故子夏曰吾雖羣而索居
 鄭玄注云羣謂同門朋友也此言有朋自遠方來者
 即學記云二三年視敬業樂羣也同志謂同其心意所
 趣鄉也朋疏而友親朋來既樂友即可知故略不言
 也○國愠怒至不怒○正義曰云凡人所不知若
 子不怒者其說有二一云古之學者為己已得先王
 之道合章內映而他人不見不知而我不知也一云
 君子易事不求備於一人故為教誨之道若有人也

根不能知解者君子
 怒之而不愠怒也

有子曰註

孔子弟子有若

其為人也孝弟而好犯上者

鮮矣註

鮮少也上謂凡在已

者言孝弟之人必恭

順好欲犯其上者少也

不好犯上而好作亂者未之

有也君子務本本立而道生註

本基也基立而後可

大成

孝弟也者其為仁之本與註

先能事父兄然後

仁道可大成

疏有子曰至本與○正義曰此章言孝
 弟之行也弟子有若曰其為人孝

於父母順於兄長而好陵犯凡在已上者少矣言孝
 弟之人性必恭順故好欲犯其上者少也既不好犯
 上而好欲作亂為悖逆之行者必無故云未之有也
 是故君子務脩孝弟以為道之基本基本既立而後

道德生焉恐人未知其本何謂故又言孝弟也者其
為仁之本與禮尚謙退不敢質言故云與也○註孔
子弟子有若○正義曰史記弟子傳云有若少孔子
四十三歲鄭玄曰魯人○註鮮少也○正義曰釋詁
云鮮罕也故得為少皇氏熊氏以為上謂君親犯謂
犯顏諫爭今案注云上謂凡在已上者則皇氏熊氏
違背注意其
義恐非也

子曰巧言令色鮮矣仁註

包曰巧言好其言語令色善

其顏色皆欲令人說之少能有仁也

疏子曰巧言令色鮮矣仁○

正義曰此章論仁者必直言正色其若巧好其言
語令善其顏色欲令人說愛之者少能有仁也

曾子曰註

馬曰弟子曾參

吾日三省吾身為人謀而不

忠乎與朋友交而不信乎傳不習乎註

言凡所傳之

事得無素不講習而傳之

疏曾子曰至習乎○正義曰此章論曾子省身慎

行之事曾子曾參嘗曰吾每日三省察已身為人
謀事而得無不盡忠心乎與朋友結交而得無不誠
信乎凡所傳授之事得無素不講習而妄傳乎以謀
貴盡忠朋友主信傳惡穿鑿故曾子省慎之○註馬
曰弟子曾參○正義曰史記弟子傳云曾參南武城
人字子輿少孔子四十六歲孔子以為能通孝道故
授之業作孝
經死於魯

子曰道千乘之國註

馬曰道謂為之政教司馬法六尺

為步步百為畝畝百為夫夫三為屋屋三為井井十
為通通十為成成出革車一乘然則千乘之賦其地
千成居地方三百一十六里有畸唯公侯之封乃能

容之雖大國之賦亦不是過焉。包曰道治也千乘之國者百里之國也古者井田方里為井十井為乘百里之國適千乘也融依周禮包依王制孟子義疑故兩存焉

敬事而信 包曰為國者舉事必敬慎與民必誠信

節用而愛人 包曰節用不奢侈國以民為本愛養之

使民以時 包曰作事使民必以其時不妨奪農務

疏 子曰道至以時。正義曰此章論之政教千乘之國為公侯之國方五百里四百里者之言為政教以治公侯之國者舉事必敬慎與民必誠信省節財用不奢侈而愛養人民以為國本作事使民必以其時不妨奪農務此其為政治國之要也

包氏以為道治也千乘之國百里之國也夏師公侯殷周惟上公也餘同。包曰道至存焉。正義曰以下篇子曰道之以政故云道謂為之政教史記齊景公時有司馬田穰苴善用兵周禮司馬掌征伐六國時齊威王使大夫追論古者兵法附穰苴於其中凡一百五十篇號曰司馬法此六尺曰步至成出革車一乘皆彼文也引之者以證千乘之國為公侯之大國也云然則千乘之賦其地千成者以成出一乘千乘故千成云居地方三百一十六里有崎者以方百里者一為方千里者三百里者三三而九則為方百里者九合成方千里者九百謂九百乘也計千乘猶少百乘方百里者一也不以此方百里者一六分破之每分得廣十六里長百里引而接之則長六百里廣十六里也半折之各長三百里將坪前三百里南西兩邊是方三百一十六里也然西南角猶缺方十六里者一也方十六里者一為方一里者三百五十六然尋割方百里者為六分餘方一里者四百今以方一里者二百五十六坪西南角猶餘方一

里者一百四十四又復破而坪三百一十六里兩邊
 則每邊不復得半里故云三百一十六里有畸也云
 唯公侯之封乃能容之者案周禮大司徒云諸公之
 地封疆方五百里諸侯之地封疆方四百里諸伯之
 地封疆方三百里諸子之地封疆方二百里諸男之
 地封疆方百里此千乘之國居地方三百二十六里
 有畸伯子男自方三百而下則莫能容之故云唯公
 侯之封乃能容之云雖大國之賦亦不是過焉者坊
 記云制國不過千乘然則地雖廣大以千乘為限故
 云雖大國之賦亦不是過焉司馬注兵車一乘甲士
 三人步卒七十二人計千乘有七萬五千人則是六
 軍矣周禮大司馬序官凡制軍萬有二千五百人為
 軍王六軍大國三軍次國二軍小國一軍魯頌闕宮
 云公尊千乘明堂位云封周公於曲阜地方七百里
 革車千乘及坊記與此文皆與周禮不合者禮天子
 大軍出自六鄉萬二千五百家為鄉萬二千五百人
 為甸地官小司徒云凡起徒役無過家一人是家出
 一人鄉為一軍此則出軍之常也天子大軍既出六

卿則諸侯三軍出自三鄉闕宮云公徒三萬者謂
 之所出非千乘之衆也千乘者自謂計地出兵非彼
 三軍之車也二者不同故數不相合所以必有二法
 者聖王治國安不忘危故令所在皆有出軍之制若
 從王伯之命則依國之大小出三軍二軍一軍也若
 其前敵不服用兵未已則盡其境內皆使從軍故復
 有此計地出軍之法但鄉之出軍是正故家出一人
 計地所出則非常故成出一車以其非常故優之也
 包曰道治也者以治國之法不惟政教而已下文道
 之以德謂道德故易之但云道治也云千乘之國百
 里之國也者謂夏之公侯殷周上公之國也云云者
 井田方里為井者孟子云方里而井井九百畝是也
 云十井為乘百里之國適千乘也者此包以言之大
 國不過百里以百里賦千乘故計之每十井為一乘
 是方一里者十為一乘則方一里者百為十乘開方
 之法方百里者一為方十里者百每方十里者一為
 方一里者百其賦十乘方十里者百則其賦千乘地
 與乘數適相當故曰適千乘也云融依周禮包依王

萬曆十四年刊

言正卷一

五

制孟子者馬融依周禮太司徒文以為諸公之地有五百里侯四百里以下也包氏依王制云凡四海之內九州州方千里州建百里之國二十七千里之國六十五十里國百有二十凡二百一十國也又孟子云天子之制地方千里公侯之制皆方百里伯七十里子男五十里包氏據此以為大國不過百里不信周禮有方五百里四百里之封也馬氏言名包氏不言名者包氏避其父名也云義疑故兩存焉者以周禮者周公致太平之書為一代大典王制者漢文帝令博士所作孟子者鄉人也名軻師孔子之孫子思治儒術之道著書七篇亦命世亞聖之大才也今馬氏包氏各以為據難以質其是非莫敢去取於義有疑故兩存其說也○包曰作事使至農務○正義曰云作事使民必以其時者謂築都邑城郭也以都邑者人之聚也國家之藩衛百姓之保障不固則敗不備則壞故雖不臨寇必於農隙備其守禦無妨農務春秋莊二十九年左氏傳曰凡土功龍見而畢務戒事也註云謂今九月周十一月龍星角亢晨見東方

三務始畢戒民以土功事火見而致用注云大火心星次角亢見者致築作之物水昏正而裁注云謂今十月定星昏而中於是樹柝幹而興作日至而畢注云日南至微陽始動故土功息若其門戶道橋城郭牆塹有所損壞則特隨壞時脩之故傳二十年左傳曰凡啓塞從時是也王制云用民之力歲不過三日周禮均人職云凡均力政以歲上下豐年則公旬用三日焉馬中則公旬用二日焉無年則公旬用一日焉是皆重民之力而不妨奪農務也

子曰弟子入則孝出則弟謹而信汎愛衆而親仁行有

餘力則以學文馬曰文者古之遺文
疏子曰弟子

正義曰此章明人以德為本學為末男子後生為弟言為人弟與子者入事父兄則當孝與弟也出事公卿則當忠與順也弟順也入不言弟出不言忠者互文可知也下孔子云出則事公卿入則事父兄孝經

云事父孝故忠可移於君事兄弟故順可移於長是也謹而信者理兼出入言恭謹而誠信也况愛眾者沈者寬博之語君子尊賢而容眾或博愛眾人也而親仁者有仁德者則親而友之能行已上諸事仍看問暇餘力則可以學先王之遺文若徒學其文而不能行上事則為言非行偽也注言古之遺文者則詩書禮樂易春秋六經是也

子夏曰賢賢易色

註

孔子曰子夏弟子卜商也言以好色

之心好賢則善事父母能竭其力事君能致其身

孔子曰盡忠節不愛其身與朋友交言而有信雖曰未

學吾必謂之學矣

疏

子夏曰至學矣。正義曰此章論生知美行之事賢賢易色者上賢謂好尚之也下賢謂有德之人易改也色女人也女有姿色男子悅之故經傳之文通謂女人為色

人多好色不好賢若能改易好色之心以好賢則善矣故曰賢賢易色也事父母能竭其力者謂小孝也言為子事父雖未能不匱但竭盡其力服其勤勞也事君能致其身者言為臣事君雖未能將順其美匡救其惡但致盡忠節不愛其身若童江跨也與朋友交言而有信者謂與朋友結交雖不能切磋琢磨但言約而每有信也雖曰未學吾必謂之學矣者言人生知行此四事雖曰未嘗從師伏膺學問然此為人行之美矣雖學亦不是過故吾必謂之學矣。註孔子曰子夏弟子卜商。正義曰案史記仲尼弟子傳云卜商字子夏衛人也少孔子四十四歲孔子既沒居西河教授為魏文侯師

子曰君子不重則不威學則不固

註

孔子曰固蔽也一日

言以不能敬重既無威嚴學又不能堅固識其義理

主忠信無友不如己者過則勿憚改

註

鄭曰主親也

憚難也

疏

子曰至憚改○正義曰此章勉人為君子也君子不重則不威學則不固者其說有二

孔安國曰固蔽也言君子當須敦重若不敦重則無威嚴又當學先王之道以致博聞強識則不固蔽也一曰固謂堅固言人不能敦重既無威嚴學又不能堅固識其道理也明須敦重也主忠信者主猶親也言凡所親狎皆須有忠信者也無友不如已者言無得以忠信不如已者為友也過則勿憚改者勿無也憚猶難也言人誰無過過而不改是謂過矣過而能改善莫大焉故苟有過無得難於改也

曾子曰慎終追遠民德歸厚矣

註 孔曰慎終者喪盡其

哀追遠者祭盡其敬君能行此二者民化其德皆歸

於厚也

疏

曾子曰至厚矣○正義曰此章言民化君德也慎終者終謂父母之喪也

以死者人之終故謂之終執親之喪也追遠者遠謂親終既葬日月已遠也孝子感時念親追而

祭之盡其敬也民德歸厚矣者言君子行此慎終追遠二者民化其德皆歸厚矣言不偷薄也

子禽問於子貢曰夫子至於是邦也必聞其政求之與

抑與之與

註 鄭曰子禽弟子陳亢也子貢弟子姓端木

木名賜亢怪孔子所至之邦必與聞其國政求而得

之邪抑人君自願與之為治

子貢曰夫子溫良恭儉

讓以得之夫子之求之也其諸異乎人之求之與

註 鄭曰言夫子行此五德而得之與人求之異明人君

自與之

疏

子禽至求之○正義曰此章明夫子由其有德與聞國政之事子禽問於子貢曰夫

子至於是邦也必聞其政求之與抑與之與者子禽疑怪孔子所至之邦必與聞其國之政事故問于貢

曰此是孔子求於時君而得之與抑人君自願與夫
 子為治與抑與皆語辭子貢曰夫子溫良恭儉讓以
 得之夫子之求之也其諸異乎人之求之與者此子
 貢答辭也敦柔潤澤謂之溫行不犯物謂之良和從
 不逆謂之恭去奢從約謂之儉先人後已謂之讓言
 夫子行此五德而得與聞國政他人則就君求之夫
 子則脩德人君自願與之為治故曰夫子之求之也
 其諸異乎人之求之與諸與皆語辭○鄭曰至為
 治○正義曰云子禽弟子子陳亢子貢弟子姓端木名
 賜者家語七十二弟子篇云陳亢陳人字子禽少死
 子四十歲史記弟子傳云端木賜字子貢少死
 子三十一歲云求而得之邪者邪未定之辭

子曰父在觀其志父沒觀其行註子曰父在子不得自
 專故觀其志而已父沒乃觀其行

三年無改於父之

道可謂孝矣註子曰孝子在喪哀慕猶若父母無所

改於父之道疏子曰至孝矣○正義曰此章論孝子
 之行父在觀其志者在心為志父在

子不得自專故觀其志而已父沒觀其行者父沒可
 以自專乃觀其行也三年無改於父之道可謂孝矣
 者言孝子在喪三年哀慕猶若父
 存無所改於父之道可謂為孝也

有子曰禮之用和為貴先王之道斯為美小大由之有

所不行知和而和不以禮節之亦不可行也註馬曰

人知禮貴和而每事從和而不以禮為節亦不可行疏

有子曰至行也○正義曰此章言禮樂為用相須乃
 美禮之用和為貴者和謂樂也樂主和同故謂樂為
 和夫禮勝則離謂所居不和也故禮貴用和使不至
 於離也先王之道斯為美者斯此也言先王治民之
 道以此禮貴和美禮節民心樂和民聲樂至則無怨
 禮至則不爭揖讓而治天下者禮樂之謂也是先王

之美道也小大由之有所不行者由用也言每事小
大皆用禮而不以樂和之則其政有所不行也知和
而和不以禮節之亦不可行也者言人知禮
貴和而每事從和不以禮為節亦不可行也

有子曰信近於義言可復也

復猶覆也義不必信信

非義也以其言可反覆故曰近義

恭近於禮遠恥辱

也 恭不合禮非禮也以其能遠恥辱故曰近禮也

因不失其親亦可宗也

孔曰因親也言所親不失

其親亦可宗敬

疏

有子曰至宗也。正義曰此章明信與義恭與禮不同及人行可宗

之事信近於義言可復也者復猶覆也人言不欺為信於事合宜為義若為義事不必守信而信亦有非義者也言雖非義以其言可反覆不欺故曰近義恭近於禮遠恥辱也者恭惟卑異禮貴會時若異在牀

下是恭不合禮則非禮也恭雖非禮以其能遠恥辱故曰近禮因不失其親亦可宗也者因親也所親不失其親言義之與比也既能親仁比義不有所失則

有知人之鑒故可宗敬也言亦者人之善行可宗敬者非一於其善行可宗之中此為一行耳故云亦也

○義不必信信非義也。正義曰云義不必信者若春秋晉士句帥師侵齊聞齊侯卒乃還春秋善之

是合宜不必守信也云信非義也者史記尾生與女

子期於梁下女子不來水至不去抱柱而死是雖守信而非義也

子曰君子食無求飽居無求安

鄭曰學者之志有所

不暇 敏於事而慎於言就有道而正焉可謂好學也

已 孔曰敏疾也有道有道德者正謂問其是非

子曰君子至也已。正義曰此章述好學之事君子食無求飽居無求安者言學者之志樂道忘饑故不

暇求其安飽也敏於事而慎於言者敏疾也言當敏疾於所學事業則有成功說命曰遷志務時敏厥脩乃來是也學有所得又當慎言說之就有道而正焉者有道謂有道德者正謂問其是非言學業有所未曉當就有道德之人正定其是之與非易文言曰問以辨之是也可謂好學也已者總結之也言能行在上諸事則可謂之為好學也

子貢曰貧而無諂富而無驕何如子曰可也

註 子曰未

足多 未若貧而樂富而好禮者也

註 鄭曰樂謂志於

道不以貧為憂苦

子貢曰詩云如切如磋如琢如磨

其斯之謂與

註 子曰能貧而樂道富而好禮者能自

切磋琢磨

子曰賜也始可與言詩已矣告諸往而知

來者

註 子曰諸之也子貢知引詩以成孔子義善取

類故然之往告之以貧而樂道來答以切磋琢磨

疏

子曰至來者○正義曰此章言貧之與富皆當樂道自脩也貧而無諂富而無驕何如者乏財口貧佞說為諂多財曰富傲逸為驕言人貧多佞說富多傲逸若能貧無諂佞富不驕逸子貢以為善故問夫子曰其德行何如子曰可也者此夫子答子貢也時子貢富志怠於學故發此問意謂不驕而為美德故孔子抑之云可也言未足多未若貧而樂富而好禮者也者樂謂志於善道不以貧為憂苦好禮謂閑習禮容不以富而倦略此則勝於無諂無驕故云未若言不如也子貢曰詩云如切如磋如琢如磨其斯之謂與者子貢知師廟已故引詩以成之此衛風淇澳之篇美武公之德也治骨曰切象曰磋玉曰琢石曰磨道其學而成也聽其規諫以自脩如玉石之見琢磨于貢言貧而樂道富而好禮其此能切磋琢磨之謂與

子曰賜也始可與言詩已矣者予貢知非詩以成孔子義善取類故呼其名而然之告諸往而知來者此言可與言詩之意謂告之往以貧而樂道富而好禮則知來者切磋琢磨所以可與言詩也

子曰不患人之不已知患不知人也

子曰不患人之不已知患不知

人也。正義曰此章言人當責已而不責人凡人之情多輕易於知人而患人不知已故孔子抑之云我則不耳不患人之不已知但患已不能知人也

論語註疏解經卷第一

論語註疏解經卷第二

魏何晏集解

宋邢昺疏

皇明朝列大夫國子監祭酒臣李長春等奉勅重較刊

皇明朝列大夫國子監祭酒臣吳士元 承德郎司業仍加俸一級臣黃錦等奉旨重修

為政第二疏

正義曰左傳曰學而後入政故次前篇也此篇所論孝敬信勇為政之德也聖

賢君子為政之人也故以為政冠於章首遂以名篇

子曰為政以德譬如北辰居其所而眾星共之

包曰

德者無為猶北辰之不移而眾星共之

疏

子曰至共之。正義

曰此章言為政之要為政以德者言為政之善莫若以德德者得也物得以生謂之德淳德不散無為化清則政善矣譬如北辰居其所而眾星共之者譬况也北極謂之北辰北辰常居其所而不移故眾星共

尊之以況人君為政以德無為清靜亦眾人共尊之也。○包曰：日至共之。○正義曰：案爾雅釋文云：北極謂之北辰，郭璞曰：北極天之中心，以正四時。然則極中也。辰時也，以其居天之中，故曰北極以正四時。故曰北辰，漢書天文志曰：中宮太極星，其一明者，泰一之常居也。旁三星，三公環之。匡衛十二星，藩臣。皆曰紫宮。北斗七星，所謂璇璣玉衡，以齊七政。斗為帝車，運於中央，臨制四海，分陰陽，建四時，均五行，移節度，定諸紀，皆繫於斗。是眾星共之也。

子曰詩三百

註

孔曰：篇之大數

一言以蔽之

註 包曰：蔽

猶當也

曰思無邪

註

包曰：歸於正

疏

子曰：至無邪。○正義曰：此章言

為政之道在於去邪歸正，故舉詩要當一句以言之。詩三百者，言詩篇之大數也。一言以蔽之者，蔽猶當也。古者謂一句為一言，詩雖有三百篇之多，可舉一句當盡其理也。曰思無邪者，此詩之旨，言曾頌駉篇

子曰道之以政

註

孔曰：政謂法教

齊之以刑

註

馬曰：齊

整之以刑罰

民免而無恥

註

孔曰：免苟免

道之以德

註 包曰：德謂道德

齊之以禮有恥且格

註

格正也

子曰：至且格。○正義曰：此章言為政以德之效也。道之以政者，政謂法教。道謂教化。誘言化，誘於民以法制。教命也。齊之以刑者，齊謂齊整。刑謂刑罰。言道之以政而民不服者，則齊整之以刑罰也。民免而無恥者，免苟免也。言君上化民不以德而以法制，刑罰則民皆巧詐苟免而心無愧恥也。道之以德，齊之以禮，有恥且格者，德謂道德，格正也。言君上化民必以道德，民或未從，化則制禮以齊整，使民知有禮則安，失禮

則恥如此則民有愧恥而不
犯禮且能自脩而歸正也

子曰吾十有五而志于學三十而立註有所成也四十

而不惑註孔曰不疑惑五十而知天命註孔曰知天

命之始終六十而耳順註鄭曰耳聞其言而知其微

旨七十而從心所欲不踰矩註馬曰矩法也從心所

欲無非法疏子曰至踰矩○正義曰此章明夫子為

學者言成童之歲識慮方明於是乃志於學也三十

而立者有所成立也四十而不惑者志強學廣不疑

惑也五十而知天命者命天之所稟受者也孔子四

十七學易至五十窮理盡性知天命之終始也六十

而耳順者順不逆也耳聞其言別知其微旨而不逆

也七十而從心所欲不踰矩者矩法也言雖從心所

欲而不踰越法度也孔子下輒言此

者欲以勉人志學而善以如今終也

孟懿子問孝註孔曰魯大夫仲孫何忌懿諡也子曰無

違樊遲御子告之曰孟孫問孝於我我對曰無違註

鄭曰恐孟孫不曉無違之意將問於樊遲故告之樊

遲弟子樊須

樊遲曰何謂也子曰生事之以禮死葬

之以禮祭之以禮疏孟懿至以禮○正義曰此章明

夫仲孫何忌問孝道於孔子也子曰無違者此夫子

答辭也言行孝之道無得違禮也樊遲御者弟子樊

萬曆十四年刊

吾九卷三

三

謂也子曰生事之以禮死葬之以禮祭之以禮者此
夫子為言無違之事也生事之以禮謂冬溫夏清昏
定晨省之屬也死葬之以禮謂為之棺槨衣衾而舉
之卜其宅兆而安厝之之屬也祭之以禮謂春秋祭
祀以時思之陳其簋簠而哀戚之之屬也不違此禮
是無違之理也不即告孟孫者初時意在簡略欲使
思而得之也必告樊遲者恐孟孫以為從父之命是
無違故既與別後告於樊遲將使復告孟孫也○
孔曰至諡也○正義曰春秋定六年經書仲孫何忌
如晉傳曰孟懿子往是知孟懿子者即仲孫何忌也
諡法曰溫柔賢善曰懿○
案史記弟子傳曰樊須字子遲齊人少孔子三十六
歲也

孟武伯問孝子曰父母唯其疾之憂
之子仲孫堯武諡也言孝子不妄為非唯疾病然後

使父母憂
疏孟武伯問孝子曰父母唯其疾之憂○
正義曰此章言孝子不妄為非也武伯

懿子之子仲孫堯也問於夫子為孝之道夫子答之
曰于事父母唯其疾病然後可使父母憂之疾病之
憂不得妄為非法貽憂於父母也○
哀公十七年左傳曰公會齊侯於蒙孟武伯相武伯
同於高柴曰諸侯盟誰執牛耳季羔曰鄒衍之役吳
公子姑曹發陽之役衛石魋武伯曰然則堯也是
武伯為懿子之子仲孫堯也諡法剛強直理曰武
子游問孝
子曰子游弟子姓言名偃
子曰今之孝者

是謂能養至於犬馬皆能有養不敬何以別乎
曰夫以守禦馬以代勞皆養人者一曰人之所養者
至於犬馬不敬則無以別孟子曰食而不愛豕畜之

愛而不敬 獸畜之

疏

子游至別乎。正義曰：此章言為孝必敬。子游問孝者，弟子子

游問行孝之道於孔子也。

曰：今之孝者，是謂能養

者。此下孔子為子游說，須敬之事。今之人所謂孝者，

是唯謂能以飲食供養者也。言皆無敬心，至於犬馬

皆能有養，不敬何以別乎者？此為不敬之人作譬也。

其說有二：一曰夫以守禦馬以代勞，皆能有以養人

者，但畜獸無知，不能生敬於人。若人唯能供養於父

母而不敬，則何以別於犬馬乎？一曰人之所養，乃至

於犬馬，同其飢渴飲之，食之皆能有以養之也。但人

養犬馬，資其為人用耳，而不敬此犬馬也。人若養其

父母而不敬，則何以別於犬馬乎？言無以別明孝必

須敬也。○**註**孔子游弟子姓言名偃。○正義曰：史

記弟子傳曰：言偃，吳人，字子游，少孔子四十五歲。○

註包曰：至畜之。○正義曰：云孟子曰：者案孟子盡心

篇，孟子曰：食而不愛，豕交之也；愛而不敬，獸畜之也。

趙岐註云：人之交接，但食之而不愛，若養豕也；愛而

不敬，若人畜禽獸，但愛而不能敬也。引之以證孝必

須敬，彼言豕交之，此作豕畜

人者，所見本異，或傳寫誤

子夏問孝子曰色難

註

包曰：色難者，謂承順父母顏色

乃為難

有事弟子服其勞，有酒食先生饌

註馬曰：先

生謂父兄饌，飲食也

曾是以為孝乎

註馬曰：孔子喻

子夏服勞先食，汝謂此為孝乎？未孝也。承順父母顏

色，乃為孝也

疏

子夏問至孝乎。○正義曰：此章言為

者，弟子子夏問於孔子為孝之道也。子曰：色難者，答

之也。言承順父母顏色，乃為難也。有事弟子服其勞，

有酒食先生饌，曾是以為孝乎者，孔子又喻子夏服

勞先食，不為孝也。先生謂父兄饌，飲食也。曾猶則也。

言若家有勞辱之事，或弟或子服其勤勞，有酒有食

進與父兄飲食，汝則謂是以為孝乎？言此未孝也。必

須承順父母顏
色乃為孝也

子曰吾與回言終日不違如愚

註 子曰回弟子姓顏名

回字子淵魯人也不違者無所怪問於孔子之言默

而識之如愚 退而省其私亦足以發回也不愚

註 孔
日察其退還與二三子說繹道義發明大體知其不

愚 疏 子曰至愚。正義曰此章美顏淵之德子曰吾

與回言終日不違如愚者回弟子顏淵也違猶

怪問也愚無知之稱孔子言我與回言終竟一日亦

無所怪問於我之言默而識之如無知之愚人也退

而省其私亦足以發回也不愚者言回既退還而省

察其在私室與二三子說繹道義亦足以發明大體

乃知其回也不愚。 註 子曰至愚。正義曰史記弟

子傳云顏回者魯人也字子淵少孔子三十歲年二

十九髮盡
白蚤死

子曰視其所以

註 以用也言視其所行用 觀其所由

註 由經也言觀其所經從 察其所安人焉度哉人焉度

哉 註 子曰度匿也言觀人終始安所匿其情 疏 子曰

至度 哉。正義曰此章言知人之法也視其所以者以用

也言視其所以行用觀其所由者由經也言觀其所

經從察其所安者言察其所安處也人焉度哉人焉

度哉者度匿也焉安也言知人之法但觀察其終始

則人安所隱匿其情哉再 言之者深明情不可隱也

子曰溫故而知新可以為師矣 註 溫尋也尋繹故者又

知新者可以為人師矣 疏 子曰溫故而知新可以為

師矣。正義曰此章言為

師之法溫尋也言舊所學得者溫尋使不忘是溫故也素所未知學使知之是知新也既溫尋故者又知新者則可以為人師矣○**溫尋**也○正義曰秦中庸云溫故而知新鄭註云溫讀如燁溫之溫謂故學之熟矣後特習之謂之溫案左傳哀十二年公會吳于橐臯太宰嚭請尋盟子貢對曰盟可尋也亦可寒也賈逵註云尋溫也又有司徹云乃焚尸俎是尋為溫也言人舊學已精熟在後更習之猶若溫燁故食也

子曰君子不器**註** 包曰器者各周其用至於君子無所

不施**疏**子曰君子不器○正義曰此章明君子之德也器者物象之名形器既成各周其用若舟楫以濟川車輿以行陸反之則不能君子之德則不如器物各守一用言見幾而作無所不施也

子貢問君子子曰先行其言而後從之**註** 孔曰疾小人

多言而行之不周**疏**子貢問君子子曰先行其言而後從之○正義曰此章疾小人

多言而行之不周也子貢問於夫子曰君子之德行何如夫子答之曰君子先行其言而後以行從之言行相副是君子也

子曰君子周而不比**註** 孔曰忠信為周阿黨為比小人

比而不周**疏**子曰君子周而不比小人比而不周○正義曰此章明君子小人德行不同之事忠信為周阿黨為比言君子常行忠信而不私相阿黨小人則反是○**註**曰忠信為周○正義曰魯語

子曰學而不思則罔**註** 包曰學不尋思其義則罔然無

所得**思而不學則殆****註** 不學而思終卒不得徒使人

精神疲殆

疏子曰至則殆。正義曰：此章言教學法也。學而不思則罔者，言為學之法既從

師學則自思其餘蘊。若雖從師學而不尋思其義則罔然無所得也。思而不學則殆者，言但自尋思而不往從師學，終卒不得其義，則徒使人精神疲勞倦殆。

子曰攻乎異端，斯害也已。

疏攻治也。善道有統，故殊塗

而同歸，異端不同歸也。

疏子曰攻乎異端，斯害也已。正義曰：此章禁人雜學

攻治也。異端謂諸子百家之書也。言人若不學正經善道而治乎異端之書，斯則為害之深也。以其善道有統，故殊塗而同歸也。攻治至同歸。正義曰：云善道有統，故殊塗而同歸者，正經是善道也。皆以忠孝仁義為本，是有統也。四術為教是殊塗也。皆以去邪歸正是同歸也。異端之書則或

子曰由誨汝知之乎？

疏子曰弟子姓仲名由字子路。知

之為知之，不知為不知，是知也。

疏子曰至知也。正義曰：此章明知也。正

由誨汝知之乎者，孔子以子路性剛好以不知為知，故此抑之。呼其名曰由，我今教誨汝為知之乎。此皆語辭知之為知之，不知為不知，是知也者，此誨辭也。言汝實知之，事則為知之實，不知之事則為不知。此是眞知也。若其知之及不知，妄言我知皆非知也。正義曰：子路曰：至知及不知，妄言我知云仲由字子路，下人也。少孔子九歲。子路性鄙好勇，力志抗直，冠雄雞，佩豶豚，陵暴孔子。孔子設禮稍誘，子路子路後儒服委質，因門人請為弟子。

子張學干祿。

疏鄭曰：弟子姓顓孫名師，字子張，子菜也。

子曰多聞闕疑，慎言其餘，則寡尤。

疏包曰

志過也疑則闕之其餘不疑猶慎言之則少過多見

闕殆慎行其餘則寡悔包曰殆危也所患危者闕

而不行則少悔言寡尤行寡悔祿在其中矣鄭曰

言行如此雖不得祿亦同得祿之道疏子張至中矣

章言求祿之法子張學于祿者于求也弟子于張師

事孔子學求祿位之法子曰多聞闕疑慎言其餘則

寡尤者此夫子教子張求祿之法也尤過也寡少也

言雖博學多聞疑則闕之尤須慎言其餘不疑者則

少過也多見闕殆慎言其餘則寡悔者殆危也言雖

廣覽多見所見危者闕而不行尤須慎行其餘不危

者則少悔恨也言寡尤行寡悔祿在其中矣者言若

少過行又少悔必得祿位設若言行如此雖偶不得

祿亦同得祿之道鄭曰至位也正義曰史記

弟子傳云顓孫師陳人字子張少孔子四十八歲

哀公問曰何為則民服包曰哀公魯君諡孔子對曰

舉直錯諸枉則民服包曰錯置也舉正直之人用

之廢置邪枉之人則民服其上舉枉錯諸直則民不

服疏哀公至不服正義曰此章言治國使民服之

法哀公問曰何為則民服者哀公魯君也問於

孔子曰何所云為則萬民服從也時哀公失德民不

服從哀公患之故有此問孔子對曰舉直錯諸枉則

民服者此孔子對以民服之法也錯置也舉正直之

人用之廢置諸邪枉之人則民服其上也舉枉錯諸

直則民不服其上也於特羣邪秉政民心厭棄故以此

萬曆十四年刊

七

季康子問使民敬忠以勸如之何

包曰魯卿季孫肥

康諡子曰臨之以莊則敬

包曰莊嚴也君臨民以

嚴則民敬其上孝慈則忠

包曰君能上孝於親下

慈於民則民忠矣舉善而教不能則勸

包曰舉用

善人而教不能者則民勸勉

疏季康至則勸。正義曰此章明使民敬忠

勸善之法季康子問使民敬忠以勸如之何者季康子魯執政之上卿也時以僭濫故民不敬忠勸勉故問於孔子曰欲使民人敬上盡忠勸勉為善其法如何孔子曰臨之以莊則敬者此答之也自上洎下曰臨莊嚴也言君臨民以嚴則民敬其上孝慈則忠者言君能上孝於親下慈於民則民作忠舉善而教不能則勸者言君能用善人置之祿位教誨不能之人使之材能如此則民相勸勉為善也於時魯君蠶

食深宮季氏專執國政則如君矣故此答皆以人君之事言之也○註魯卿季孫肥康諡○正義曰知者據左傳及世家文也諡法云安樂撫民曰康

或謂孔子曰子奚不為政

包曰或人以為居位乃是

為政

子曰書云孝乎惟孝友于兄弟施於有政是亦

為政奚其為為政

包曰孝乎惟孝美大孝之辭友

于兄弟善於兄弟施行也所行有政道與為政同

疏

或謂至為政。正義曰此章言孝友與為政同或謂孔子曰子奚不為政者奚何也或有一人亡其姓名謂孔子曰子既多才多藝何不居官為政或人以為居位乃是為政也子曰書云孝乎惟孝友于兄弟施於有政者此周書君陳篇文引之以答或人為政之事彼云玉若曰君陳惟爾令德孝恭惟孝友于兄弟

克施有政孔安國云言其有令德善事父母行已必恭言善事父母者必友于兄弟能施有政今其言與此小異此云孝乎唯孝者美此孝之辭也友于兄弟者言善於兄弟也施行也行於此二者即有為政之道也是亦為政奚其為為政者此孔子語也是此也言此孝友亦為政之道此外何事其為為政乎言所行有政道即與為政同不必居位乃是為政

子曰人而無信不知其可也註孔曰言人而無信其餘

終無可大車無軌小車無軌其何以行之哉註息曰

大車牛車軌者轅端橫木以縛軛小車駟馬車軌者

轅端上曲鉤衡疏子曰至之哉正義曰此章明信

者言人而無信其餘雖有他才終無可也大車無軌小車無軌其何以行之哉者此為無信之人作譬也

大車牛車軌轅端橫木以縛軛駕牛領者也小車駟馬車軌者轅端上曲鉤衡以駕兩服馬領者也大車無軌則不能駕牛小車無軌則不能駕馬其車何以得行之哉言必不能行也以喻人而無信亦不可行也註包曰至鉤衡正義曰云大車牛車者冬官考工記車人為車大車崇九尺鄭註云大車平地載任之車轂長半柯者也其駕牛故酒誥曰肇牽車牛遠服賈用故曰大車牛車也說文云軌大車轅端持衡者軌轅前也是軌者轅端橫木以縛軛者也云小車駟馬車者考工記兵車田車乘車也皆駕駟馬故曰駟馬車也說文云軌者車轅端持衡者考工記云國馬之軌深四尺有七寸註云馬高八尺兵車乘車軌崇三尺有三寸如軛輿轆七寸又并此軌深則衡高八尺七寸也除馬之高則餘七寸為衡頸之間是軌在衡上也轅從軛以前稍曲而上至衡則居衡之上而轡下鉤之衡則橫居軛下是轅端上曲鉤衡者名軌也

子張問十世可知也

孔日文質禮變

子曰殷因於夏

禮所損益可知也周因於殷禮所損益可知也

馬

日所因謂三綱五常所損益謂文質三統

其或繼周

者雖百世可知也

物類相召世數相生其變有常

故可預知

疏 子張至知也。正義曰此章明創制革命因沿損益之禮子張問十世可知也

者弟子子張問於孔子夫國家文質禮變設若相承至於十世世數既遠可得知其禮乎子曰殷因於夏

禮所損益可知也周因於殷禮所損益可知也者此夫子答以可知之事言殷承夏后因用夏禮謂三綱

五常不可變革故因之也所損益者謂文質三統夏尚文殷則損文而益質夏以十三月為正為人統色

尚黑殷則損之益以十二月為正為地統色尚白也其事易曉故曰可知也周因於殷禮所損益可知也

者言周代殷立而因用殷禮及所損益事事亦可知也其或繼周者雖百世可知也者言非但順知既往兼亦預知將來時周尚存不敢斥言故曰其或言設或有繼周而王者雖多至百世以其物類相召世數相生其變有常故皆可預知也。○馬曰至三統。正義曰云三綱五常者白虎通云三綱者何謂謂君臣父子夫婦也君為臣綱父為子綱夫為妻綱大者為綱小者為紀所以張理上下整齊人道也人皆懷五常之性有親愛之心是以綱紀為化若羅網有紀綱之而百目張也所以稱三綱何一陰一陽之謂道陽得陰而成陰得陽而序剛柔相配故人為三綱法天地人君臣法天取象日月屈信歸功也父子法地取法五行轉相生也夫婦取象人合陰陽有施君羣也羣下之所歸心臣奉也事君也象屈服之形也父者矩也以度教子子者孳也孳孳無已也夫者扶也以道扶接婦者服也以禮屈服也云五常者仁義禮智信也白虎通云五性者何謂仁義禮智信也仁者不忍好生愛人義者宜也斷決得中也禮者履也履

道成文智者知也或於事見微知著信者誠也專一不移故人生而應八卦之體得五氣以為常仁義禮智信是也云損益謂文質三統者白虎通云王者受陰道極則陽道受明一陽二陰不能繼也質法天文尚書大傳曰王者一質一文據天地之道禮三正記曰質法天文法地帝王始起先質後文者順天地之道本末之義先後之序也事莫不先其質性乃後有其文章也夏尚黑殷尚白周尚赤此之謂三統故書傳略說云天有三統物有三變故正色有三天有包及樂緯稽耀嘉云夏以十二月為正息卦受泰註云物之始其色尚黑以寅為朔殷以十二月為正息卦受臨註云物之牙其色尚白以雞鳴為朔周以十一月為正息卦受復其色尚赤以夜半為朔又三五記云正朔三而改也鄭註尚書三帛高陽氏之後用赤皆正朔三而改也鄭註尚書三帛高陽氏之後用赤

繒高辛氏之後用黑繒其餘諸侯用白繒如鄭此意御而推之舜以十一月為正尚赤堯以十二月為正尚白故曰其餘諸侯用白繒高辛氏以十二月為正尚黑故云高辛氏之後用黑繒高陽氏以十一月為正尚赤故云高陽氏之後用赤繒少皞以十二月為正尚白黃帝以十二月為正尚黑神農以十一月為正尚赤女媧以十二月為正尚白伏羲以上未有聞焉易說卦云帝出乎震則伏羲也建寅之月又未之始其三正豈從伏羲以下文質再而復者文質法天地文法地質法天文周文法地而為天正殷質法天而為地正者正朔文質不相須也建子之月為正者謂之二而復各自為義不相須也建子之月為正者謂之天統以天之陽氣始生為百物得陽氣微稍動變故為天統建丑之月為統者以其物已吐牙不為天氣始動物又未出不得為人所施功唯在地中含養萌牙故為地統建寅之月為統者以人物出於地人功當須脩理故謂之人統統者本也謂天地人之本然王者必以此三月為正者以其此月物生微細又是

歲之始生王者繼天理物含養微細又取其歲之為
 正朔之始既天地人之三者所繼不同故各改正朔
 不相襲也所尚既異符命亦隨所尚而來故禮緯稽
 命殷云其天命以黑故夏有玄圭天命以赤故周有
 赤雀銜書天命以白故殷有白狼銜鉤是天之所命
 亦各隨人所尚符命雖逐所尚不必皆然故天命禹
 觀河見白面長人洛子命云湯觀於洛沈璧而黑龜
 與之書黃魚雙躍泰誓言武王伐紂而白魚入於王
 舟是符命不皆逐正色也鄭康成之義自古以來皆
 改正朔若孔安國則改正朔殷周二代故註尚書湯
 承堯舜禪代之後革命創制改正易服是從湯始改
 正朔也。○物類至預知。○正義曰物類相召者謂
 三綱五常各以類相召因而不變也云世數相生者
 謂文質三統及五行相次周而復始而其世運有數
 相生變革也

子曰非其鬼而祭之諂也。○鄭曰人神曰鬼非其祖考

而祭之者是諂求福見義不為無勇也。○孔曰義所

宜為而不能為是無勇。○疏子曰至勇也。○正義曰此

章言祭必已親勇必為義

也非其鬼而祭之諂也者人神曰鬼言若非已祖考

而輒祭他鬼者是諂媚求福也見其義不為無勇也

者義宜也言義所宜為而不能為者是無勇之人也

○鄭曰至求福。○正義曰云人神曰鬼者周禮大

宗伯之職掌建邦之天神人鬼地示之禮是人神曰

鬼也左傳曰神不歆非類民不祀非族故非其祖考

而祭之者是諂求福也。○孔曰至無勇。○正義曰

若齊之田氏弑君夫子請討之是義所宜為也而魯

君不能為討是無勇也

論語註疏解經卷第二

論語註疏解經卷第三

魏何晏集解 宋邢昺疏

皇明朝列大夫國子監祭酒臣李長春等奉
勅重較刊

皇明朝列大夫國子監祭酒臣吳士元 承德郎司業仍加俸一級臣黃錦等奉
旨重修

八佾第三疏

正義曰前篇論為政為政之善莫善禮
樂禮以安上治民樂以移風易俗得之

則安失之則危故此
篇論禮樂得失也

孔子謂季氏八佾舞於庭是可忍也孰不可忍也

註馬

曰孰誰也佾列也天子八佾諸侯六佾大夫四佾二

八人為列八八六十四人魯以周公故受王者禮樂

有八佾之舞季桓子僭於其家廟舞之故孔子譏之

疏孔子至忍也。正義曰：此章論魯卿季氏僭用禮樂之事。孔子謂季氏八佾舞於庭者，謂者評論之。稱季氏魯卿於時，當桓子也。佾，列也。舞者，入人為列。八八六十四人，桓子用此八佾舞於家廟之庭，故孔子評論而譏之。是可忍也，孰不可忍也。者，此孔子所譏之語也。孰，誰也。人之僭禮皆當罪責，不可容忍。季氏以陪臣而僭天子，最難容忍。故曰：若是可容忍，他人更誰不可忍也。○馬曰：至譏之。○正義曰：孰誰，釋詁。文佾，列書傳通訓也。云天子八佾，諸侯六大夫四士二者，隱五年左傳文也。云八人為列，八八六十四人者，杜預何休說如此。其諸侯用六者，六六三十三人為六八八，四四十六人為六八八，士二二二四人服虔以用為二八十六人，今以舞勢宜方行列，既減即每行人數亦宜減，故同何杜之說。天子所以八佾者，案隱五年左傳考仲子之宮，將萬焉。公問羽數於仲，對曰：天子用八風，故自八以下，杜預云：唯天子得盡物數，故而行八風，故自八以下，杜預云：唯天子得盡物數，故

以八為列，諸侯則不敢用八。所謂八音者，金石土革絲木匏竹也。鄭玄云：金鐘鎛也，石磬也，土埙也，革鼓鼗也，絲琴瑟也，木祝敔也，匏笙也，竹管簫也。所謂八風者，服虔以為八卦之風，乾音石，其風不周，坎音革，其風廣莫，艮音匏，其風融震音竹，其風明庶，巽音木，其風清，明離音絲，其風景坤音土，其風涼兌音金，其風間闔，又易緯通卦驗云：立春調風，至春分明庶風，至立夏清明風，至夏至景風，至立秋涼風，至秋分間闔風，至立冬不周風，至冬至廣莫風，至是則天子之舞所以節入音而行八風，故八佾也。云魯以周公之故，受王者禮樂，有八佾之舞者，此釋季氏所以得僭之由。由魯得用之也。案禮記祭統云：昔者周公旦有勳勞於天下，成王康王賜之以重祭，朱干玉戚以舞大武，八佾以舞大夏。此天子之樂也。重周公故以賜魯，又明堂位曰：命魯公世世祀周公以天子之禮樂。是受王者禮樂也。然王者禮樂唯得於文王周公廟，用之若用之他廟亦為僭也。故昭二十五年公羊傳稱昭公謂子家駒曰：吾何僭哉？答曰：卷于玉戚以舞。

大夏八佾以舞大武此皆天子之禮也是昭公之時
僭用他廟也云季桓子僭於家廟舞之故孔子譏之
者案經但云季氏知是桓子者以孔子與桓子同時
親見其事而譏之故知桓子也何休云僭齊也下效
上之辭季氏陪臣也而效君於上故云僭也大去稱
家祭法大夫三廟此經又言於庭魯之用樂見於經
傳者皆據廟中祭祀時知此亦僭
於其家廟舞之故孔子譏之也

三家者以雍徹

註 馬曰三家謂仲孫叔孫季孫雍周頌
臣工篇名天子祭於宗廟歌之以徹祭今三家亦作

此樂 子曰相維辟公天子穆穆奚取於三家之堂

包曰辟公謂諸侯及二王之後穆穆天子之容貌雍
篇歌此者有諸侯及二王之後來助祭故也今三家

但家臣而已何取此義而作之於堂邪

疏 三家至之
堂○正義

曰此章譏三家之僭也三家者以雍徹者此弟子之
言將論夫子所譏之語故先設此文以為首引三家
謂仲孫叔孫季孫雍周頌臣工篇名天子祭於宗廟
歌之以徹祭今三家亦作此樂以徹祭故夫子譏之
子曰相維辟公天子穆穆奚取於三家之堂者此夫
子所譏之語也先引詩文後言其不可取之理也相
維辟公天子穆穆者此雍詩之文也相助也維辭也
辟公謂諸侯及二王之後穆穆天子之容貌雍篇歌
此者有諸侯及二王之後來助祭故也今三家但家
臣而已何取此義而作之於堂乎○註 馬曰至此樂
○正義曰三孫同是魯桓公之後桓公適于莊公為
君庶子公子慶父公子叔牙公子季友仲孫是慶父
之後叔孫是叔牙之後季孫是季友之後其後子孫
皆以其仲叔季為氏故有此氏並是桓公子孫故俱
稱孫也至仲孫氏後世改仲曰孟孟者庶長之稱也
言已庶不敢與莊公為伯仲叔季之次故取庶長

為始也云雍周頌臣工篇名者即周頌臣工之什第
七篇也天子祭於宗廟歌之以徹祭者案禮樂師
云及徹帥學士而歌徹鄭玄云徹者歌雍又小師云
徹歌鄭云於有司徹而歌雍是知天子祭於宗廟歌
之以徹祭也今三家亦作此樂故夫子譏之也○
包曰至堂邪○正義曰云辟公謂諸侯及二王之後
者此與毛傳同鄭玄以辟為卿士公謂諸侯為異餘
亦同也云穆穆天子之容貌者曲禮云天子穆穆爾
雅釋詁云穆穆美也是天子之容貌穆穆然美也云
雍篇歌此者有諸侯及二王之後來助祭故也者將
言無諸侯及二王之後助祭則不可歌也云今三家
但家臣而已何取此義而作之於堂邪者卿大夫禘
家家臣謂家相邑宰之屬來助祭耳何取此雍詩之
義而奏作於堂邪邪語辭魯用天子禮樂以雍徹由
是三家
僭之也

子曰人而不仁如禮何人而不仁如樂何

包曰言人

而不仁必不能行禮樂

疏子曰至樂何○正義曰此章言禮樂資仁而行也人

而不仁如禮何人而不仁如樂何者如奈也言人而不仁奈此禮樂何謂必不能行禮樂也

林放問禮之本

鄭曰林放魯人

子曰大哉問禮與其

奢也寧儉喪與其易也寧戚

包曰易和易也言禮

之本意失於奢不如儉喪失於和易不如哀戚

疏林

至寧戚○正義曰此章明禮之本意也林放問禮之本者林放魯人也問於夫子禮之本意如何子曰大哉問者夫子將答禮本先嘆美之也禮之末節人尚不知林放能問其本其意非小故曰大哉問也禮與其奢也寧儉喪與其易也寧戚者此夫子所答禮本也奢太侈也儉約省也易和易也戚哀戚也與猶等也奢與儉易與戚等俱不合禮但禮不欲失於奢寧失於儉喪不欲失於易寧失於戚言禮之本意禮失

於奢不如儉喪失於和易不如哀戚

子曰夷狄之有君不如諸夏之亡也

包曰諸夏中國

亡無也

疏子曰夷狄之有君不如諸夏之亡也。正義曰此章言中國禮義之盛而夷狄無也。

舉夷狄則戎蠻可知諸夏中國也亡無也言夷狄雖有君長而無禮義中國雖偶無君若周召共和之年而禮義不廢故曰夷狄之有君不如諸夏之亡也。包曰諸夏中國。正義曰此及閔元年左氏傳皆言諸夏襄四年左傳魏絳云諸夷必叛華夏皆謂中國而謂之華夏者夏大也言有禮儀之大有文章之

也華

季氏旅於泰山子謂冉有曰女弗能救與

馬曰旅祭

名也禮諸侯祭山川在其封內者今陪臣祭泰山非

禮也冉有弟子冉求時仕於季氏救猶止也

對曰不

能子曰嗚呼曾謂泰山不如林放乎

包曰神不享

非禮林放尚知問禮泰山之神反不如林放耶欲認

而祭之

疏季氏至放乎。正義曰此章譏季氏非禮祭泰山也。季氏旅於泰山者旅祭名也。禮

諸侯祭山川在其封內者今陪臣祭泰山非禮也。子謂冉有曰女弗能救與者冉有弟子冉求時仕於季氏救猶止也。夫子見季氏非禮而祭泰山故以言謂弟子冉有曰汝既臣於季氏知其非禮即合諫止女豈不能諫止也。與與語辭對曰不能者言季氏僭盜已不能諫止也。子曰嗚呼曾謂泰山不如林放乎者死季歎其失禮故曰嗚呼曾之言期也。夫神不享非禮林放尚知問禮況泰山之神豈反不如林放乎。而季氏欲認罔而祭之也。言泰山之神必不享季氏之祭若其享之則是不如林放也。馬曰至也。正義曰正

義曰云旅祭名者周禮大宗伯職云國有大故則旅上帝及四望鄭註云故謂凶裁旅陳也陳其祭事以祈焉禮不如祀之備也故知旅祭名也云禮諸侯祭山川在其封內者王制云諸侯祭名山大川之在其地者是也云今陪臣祭泰山非禮也者陪重也諸侯既為天子之臣故謂諸侯之臣為陪臣泰山在魯封內故魯得祭之今季氏亦祭故云非禮云冉有弟子冉求者史記弟子傳云冉求字季有少孔子二十九歲鄭玄曰魯人

子曰君子無所爭必也射乎註孔曰言於射而後有爭

揖讓而升下而飲註王曰射於堂升及下皆揖讓而

相飲其爭也君子註馬曰多筭飲少筭君子之所爭

疏子曰至君子。正義曰此章言射禮有君子之風也君子無所爭者言君子之志謙卑自牧無所競

爭也必也射乎者君子雖於他事無爭其或有爭必也於射禮乎言於射而後有爭也揖讓而升下而飲者射禮於堂將射升堂及射畢而下勝飲不勝其耦皆以禮相揖讓也其爭也君子者射者爭中正鵠而也註不同小人厲色援臂故曰其爭也君子。孔曰言於射而後有爭。正義曰鄭註射義云飲射爵者亦揖讓而升降勝者袒決遂執張弓不勝者襲說決拾卻左手右加弛弓於其上而升飲君子取之是以射則爭中是於射而後有爭。王曰至相飲。正義曰云射於堂升及下皆揖讓而相飲者儀禮大射云耦進上射在左並行當階北面揖及階揖升堂揖皆當其物北面揖及物揖射畢北面揖揖如升射是射時升降揖讓也大射又云飲射爵之時勝者皆袒決遂執張弓不勝者皆襲說決拾卻左手右加弛弓于其上遂以執附揖如始升射及階勝者先升拜堂少右不勝者進北面坐取豐上之解立卒解坐奠於豐下興揖不勝者先降是飲射爵之時揖讓升降也。馬曰多至所爭。正義曰云多筭飲少筭者筭

籌也鄉射禮曰箭籌八十長尺有握握素是也多筭謂勝者少筭謂不勝者勝飲不勝而相揖讓故曰君子之所爭也

子夏問曰巧笑倩兮美目盼兮素以為絢兮何謂也

馬曰倩笑貌盼動目貌絢文貌此上二句在衛風碩人之二章其下一句逸也 子曰繪事後素

鄭曰繪畫文也凡繪畫先布衆色然後以素分布其間以成

其文喻美女雖有倩盼美質亦須禮以成之 曰禮後

乎 子曰孔子言繪事後素亦夏聞而解知以素喻

禮故曰禮後乎 子曰起予者商也始可與言詩已矣

註 子曰予我也孔子言子夏能發明我意可與共言

詩 子夏至詩已矣。正義曰此章言成人頌禮也

謂也者倩笑貌盼動目貌絢文貌此衛風碩人之篇

倩盼之容又能以禮成文絢然素喻禮也子夏讀詩

至此三句不達其旨故問夫子何謂也子曰繪事後

素者孔子舉喻以答于夏也繪畫文也凡繪畫先布

衆色然後以素分布其間以成其文喻美女雖有倩

盼美質亦須禮以成之也曰禮後乎者此子夏語子

夏聞孔子言繪事後素即解其旨知以素喻禮故曰

下一句逸者今毛詩無此一句故曰逸言亡逸也。○
鄭曰至成之。正義曰案考工記云畫繪之事雜
五色下云畫績之事後素功是知凡繪畫先
布衆色然後以素分布其間以成其文章也

子曰夏禮吾能言之杞不足徵也殷禮吾能言之宋不

足徵也註包曰徵成也杞宋二國名夏殷之後夏殷

之禮吾能說之杞宋之君不足以成也文獻不足故

也足則吾能徵之矣註鄭曰獻猶賢也我不以禮成

之者以此二國之君文章賢才不足故也疏子曰至

○正義曰此章言夏商之後不能行先王之禮也夏
禮吾能言之杞不足徵也殷禮言之宋不足徵也者
徵成也杞宋二國一言夏殷之後也孔子言夏殷之禮
吾能說之但以杞宋之君闇弱不足以成之也文獻

不足故也足則吾能徵之矣者此又言不足徵之意
獻賢也孔子言我不以禮成之者以此二國之君文
章賢才不足故也。○註包曰至成也。○正義曰徵成
釋詁文云杞宋二國名夏殷之後者樂記云武王克
殷下車而封夏后氏之後
於杞封殷之後於宋是也

子曰禘自既灌而往者吾不欲觀之矣註孔子曰禘祫之

禮為序昭穆故毀廟之主及羣廟之主皆合食於太

祖灌者酌鬱也灌於太祖以降神也既灌之後列尊

卑序昭穆而魯逆祀躋僖公亂昭穆故不欲觀之矣

疏子曰禘自既灌而往者吾不欲觀之矣。○正義曰
此章言魯禘祭非禮之事禘者二年大祭之名灌

者將祭酌鬱也於太祖以降神也既灌之後列尊卑
序昭穆而魯逆祀躋僖公亂昭穆故孔子曰禘祭自

既灌以往吾則不欲觀之也。○註孔曰至觀之。○正義曰云禘祫之禮為序昭穆故毀廟之主及羣廟之主皆合食於太祖者鄭玄曰魯禮三年喪畢而禘於太祖明年春禘於羣廟自爾之後五年而再廢祭以遠主初始入祧新死之主又當與先君相接致禮因是而為大祭以審序昭穆故謂之禘禘者諦也言使昭穆之次審諦而不亂也祫者合也文二年公羊傳曰大祫者何合祭也其合祭奈何毀廟之主陳于太祖未毀廟之主皆升合食於太祖是也云灌者酌鬱鬯灌於太祖以降神者郊特牲云周人尚臭灌用鬯臭鬱合鬯臭陰達於淵泉灌以圭璋用玉氣也既灌然後迎牲致陰氣也鄭註云灌謂以圭瓚酌鬯始獻神也鬱鬱金草釀秬為酒煮鬱金草和之其氣芬芳調暢故曰鬱鬯言未殺牲先酌鬱鬯酒灌地以求神於太祖廟也云既灌之後列尊卑序昭穆者言既灌地降神之後始列木主以尊卑陳列太祖前太祖東鄉昭南鄉穆北鄉其餘孫從王父父曰昭子曰穆昭取其鄉明穆取其北面尚敬三年一祫五年一禘禘

所以異於祫者毀廟之主陳於太祖與祫同未毀廟之主則各就其廟而祭也云而魯逆祀躋僖公亂昭穆故不欲觀之者春秋文二年秋八月丁亥大事于太廟躋僖公公羊傳曰躋者何升也何言乎升僖公譏何譏爾逆祀也何休云升謂西上禮昭穆指父子近取法春秋惠公與莊公當同南面西上隱桓與閔僖亦當同北面西上繼閔者在下文公緣僖公於閔公為庶兄置僖公於閔公上失先後之義故譏之是知當閔在僖上今升僖先閔故云逆祀二公位次之逆非昭穆亂也此註云亂昭穆及魯語云將躋僖公宗有司曰非昭穆也弗忌曰我為宗伯明者為昭其次為穆何常之有如彼所言又似閔僖異昭穆者位次之逆如昭穆之亂假昭穆以言之非謂異昭穆也若兄弟相代即異昭穆設今兄弟四人皆立為君則祖父之廟即已從毀知其理必不然故先儒無作此說以此逆祀失禮故孔子不欲觀之也

或問禘之說子曰不知也

註

孔曰答以不知者為魯諱

知其說者之於天下也其如示諸斯乎指其掌

包曰孔子謂或人言知禘禮之說者於天下之事如指

示掌中之物言其易了

疏或問至其掌正義曰此章言諱國惡之禮也或問

禘之說者或人問孔子禘祭之禮其說如何子曰不知也者孔子答言不知禘禮之說答以不知者為魯諱諱國惡禮也若其說之當云禘之禮序昭穆時魯躋僖公亂昭穆說之則彰國之惡故但言不知也知其說者之於天下也其如示諸斯乎也者諸於也斯此也孔子既答或人以不知禘禮之說若不更說恐或人以為已實不知無以明其諱國惡且恐後世以為禘祭之禮聖人不知而致廢絕更為或人言此也言我知禘禮之說者於天下之事中其如指示於此掌中之物言其易了也指其掌者此句弟子作論語時言也當時孔子舉一手伸掌以一手指之以示或人曰其如示諸斯乎弟子等恐人不知示諸斯謂指

示何等物故著此二句言是時夫子指其掌也

祭如在

孔曰言專死如事生

祭神如神在

孔曰謂

祭首神

子曰吾不與祭如不祭

包曰孰乎或出或

病而不自親祭使攝者為之不致肅敬於心與不祭

同疏

祭如在至不祭正義曰此章言孔子重祭禮祭如在者謂祭宗廟必致其敬如其親存言事

死如事生也祭神如神在者謂祭首神亦如神之存存而致敬也子曰吾不與祭如不祭者孔子言我若親行祭事則必致其恭敬表或出或病而不自親祭使人攝代已為之不致肅敬於心與不祭同謂祭首神正義曰百神謂宗廟之分皆是言百神舉成數

王孫賈問曰與其媚於奧寧媚於竈何謂也

孔曰王

萬曆十四年刻

孫賈衛大夫與內也以喻近臣竈以喻執政賈執政者欲使孔子求寵之微以世俗之言感動之也子曰

不然獲罪於天無所禱也孔曰天以喻君孔子拒

之曰如獲罪於天無所禱於衆神王孫至禱也正義曰此章言

夫子守禮不求媚於人也王孫賈者衛執政大夫也問曰與其媚於竈何謂也者媚趣嚮也與

內也謂室內西南隅也以其隱奧故尊者居之其處雖尊而閑靜無事以喻近臣雖尊不執政柄無益於

人也竈者飲食之所由雖處卑褻為家之急用以喻國之執政位雖卑下而執賞罰之柄有益於人也此

二句世俗之言也言與其趣於閑靜之奧寧若趣於急用之竈以喻其求於無事之近臣寧若求於用權

之執政王孫賈時執國政舉於二句併若不達其理問於孔子曰何謂也欲使孔子求媚親昵於恩故微

以世俗之言感動之也子曰不然獲罪於天無所禱也者孔子拒賈之辭也然如此也言我則不如世俗

之言也天以喻君獲猶得也我道之行否由於時君無求於衆臣如得罪於天無所禱於衆神

子曰周監於二代郁郁乎文哉吾從周孔曰監視也

言周文章備於二代當從之子曰至從周正義曰此章言周之禮文

猶備也周監於二代郁郁乎文哉者監視也二代謂夏商二代則周代郁郁乎有文章哉吾從周

考言周之文章備於二代故從而行之也

子曰周監於二代郁郁乎文哉吾從周包曰太廟周公廟孔子在魯曾祭周公而

助祭也

每事問或曰孰謂鄒人之子知禮乎入太廟每事問孔曰鄒孔子父叔梁紇所治邑時人多言

萬曆十四年刊

禮記卷三

七

孔子知禮或人以為知禮者不當復問子聞之曰是

禮也註子曰雖知之當復問慎之至也疏子入至禮也。正義

曰此章言夫子慎禮也子入太廟者子謂孔子太廟周公廟孔子仕魯魯祭周公而助祭故得入之也每事問者言太廟之中禮器之屬每事輒問於令長也或曰孰謂鄆人之子知禮乎入太廟每事問者孰誰也鄆人魯鄆邑大夫孔子父叔梁紇也或有人曰誰謂鄆大夫之子知禮者也時人多言孔子知禮或以為知禮者不當復問何為入太廟而每事問乎意以為孔子不知禮子聞之曰是禮也者孔子聞或人之譏乃言其問之意以宗廟之禮當須重慎不可輕言雖已知之當更復問慎之至也。註包曰至助祭也。正義曰云太廟周公廟者文十三年公羊傳曰周公稱太廟魯公稱世室羣公稱宮故知太廟周公廟也云孔子仕魯者史記孔子世家云孔子貧且賤及長嘗為季氏史料量平嘗為司職吏而嘗蕃息由

是為司空其後定公以孔子為中都宰一年四方皆則之由中都宰為司空由司空為大司寇攝相事是仕魯由是故得與助祭也。註孔曰至復問。正義曰云鄆孔子父叔梁紇所治邑者古謂大夫守邑者以邑冠之呼為某人孔子父鄆邑大夫左傳稱鄆人紇故此謂孔子為鄆人之子也左傳成二年云新築人仲叔于奚杜註云于奚守新築大夫即此類也

子曰射不主皮註馬曰射有五善焉一曰和志體和二

曰和容有容儀三曰主皮能中質四曰和頌合雅頌五曰興武與舞同天子三侯以熊虎豹皮為之言射者不但以中皮為善亦兼取和容也為力不同科古

之道也註馬曰為力力役之事亦有上中下設三科

馬故曰不同科。疏子曰：至古之道也。正義曰：此章禮張布為侯，而棲熊虎豹之皮於中，而射之。射有五善焉，不但以中皮為善，亦兼取禮樂容節也。周衰禮廢，射者無復禮容，但以主皮為善，故孔子抑之。云古之射者，不主皮也，為力不同科者，言古者為力役之事，亦有上中下設三科焉。周衰政失，力役之事，貧富兼并，強弱無別，而同為一科，故孔子非之。云古之為力役，不如今同科也。古之道也者，結上二事，皆前古所行之道也。註馬曰：至和容也。正義曰：云射有五善焉者，言射禮有五種之善，下所引是也。云一曰和，至五曰興舞，皆周禮鄉大夫職之也。云志體和，至與舞同，皆馬融解義語。案彼云：退而射，射之禮五物，詢衆庶，一曰和，二曰容，三曰主皮，四曰和容，五曰興舞。註云：以用也。行鄉射之禮，而以五物詢於衆民，鄭司農云：詢，謀也。問於衆庶，寧復有賢能者，和謂闔門之內行也。容謂容貌也。主皮謂善射，射所以觀士也。故書舞為無杜子春讀和容為和，頌謂能為樂也。

無讀為舞，謂能為六舞。玄謂和載六德，容包六行也。庶民無射禮，因田獵分禽，則有主皮者，張皮射之，無侯也。圭皮和容，興舞則六藝之射，與禮與樂是也。此註二曰和容，衍和字。五曰興武，武當為舞聲之誤也。云天子三侯，以熊虎豹皮為之者，周禮天官司裘職云：王夫射，則共虎侯、熊侯、豹侯，設其鵠。諸侯則共熊侯、豹侯、卿大夫則共麋侯，皆設其鵠。註云：夫射者為祭祀射，主將有郊廟之事，以射擇諸侯及羣臣與邦國所貢之士，可以與祭者射者，可以觀德行其容體。此於禮其節，比於樂而中多者，得與於祭。諸侯謂三公及王子弟，封於畿內者，鄉大夫亦皆有采地焉。其將祀其先祖，亦與羣臣射以擇之。凡夫射各於其所射，侯者其所射也。以虎熊豹麋之皮飾其側，又方制之，以為尊謂之鵠。著於侯中，所謂皮侯。王之大射，虎侯。王所自射也。熊侯，諸侯所射。豹侯，卿大夫以下所射。諸侯之大射，熊侯。諸侯所自射。豹侯，羣臣所射。卿大夫之大射，麋侯。君臣共射焉。凡此侯道，虎九寸，弓熊七十，弓豹麋五十，弓列國之諸侯。大射，大侯亦

九寸參也寸于五十遠尊得伸可同耳所射正謂之
 侯者天子中之則能服諸侯諸侯以下中之則得為
 諸侯鄭司農云鵠鵠毛也方十尺曰侯四尺曰鵠二
 尺曰正四寸曰質玄謂侯中之大小取數於侯道鄉
 射禮曰弓二寸以為侯中則九寸弓者侯中廣丈八
 尺七十寸弓者侯中廣丈四尺五十寸弓者侯中廣一丈
 尊卑異等此數明矣考王記曰梓人為侯廣與崇方
 參分其廣而鵠居一焉然則侯中丈八尺者鵠方六
 尺侯中丈四尺者鵠方四尺六寸大半寸侯中一丈
 者鵠方三尺三寸少半寸謂之鵠者取名於鵠鵠
 鵠小鳥而難中是以中之為雋亦取鵠之言較較者
 直也射所以直已志用虎熊豹麋之皮亦服猛射迷
 惑者射者夫禮故取義象也士
 不大射士無臣祭無所擇也

子貢欲去告朔之餼羊

鄭口牲生日餼禮人君每月
 告朔於廟有祭謂之胡切享魯自文公始不視朔子貢

見其禮廢故欲去其羊

子曰賜也爾愛其羊我愛其

禮

包曰羊存猶以識其禮羊亡禮遂廢

疏子貢至其禮

正義曰此章言孔子不欲廢禮也子貢欲去告朔之
 餼羊者牲生日餼禮人君每月告朔於廟因有祭謂
 之朝享魯自文公怠於政禮始不視朔廢朝享之祭
 有司仍供備其羊子貢見其禮廢故欲并去其羊也
 子曰賜也爾愛其羊我愛其禮者此孔子不許子貢
 之欲去羊故呼其名而謂之曰賜也爾以為既廢其
 禮虛費其羊故欲去之是愛其羊也我以為羊存猶
 以識其禮羊亡禮遂廢所以不去其羊欲使後世見
 此告朔之羊知有告朔之禮庶或復行之是愛其禮
 也○鄭曰至其羊○正義曰云牲生日餼者僖三
 十三年左傳曰餼牽竭矣餼與牽相對牽是牲可牽
 行則餼是已殺殺又非熟故解者以為腥曰餼謂生
 肉未煮者也其實餼亦是生哀二廿四年左傳云晉
 師乃還餼臧石牛是以生牛賜之也此及聘禮註皆

云牲生曰籛由不與牽相對故為生也云禮每月告朔於廟有祭謂之朝享者案周禮大史頒告朔于邦國鄭玄云天子頒朔于諸侯諸侯藏之祖廟至朔朝于廟告而受行之此云子貢欲去告朔之籛羊是用生羊告於廟謂之告朔人君即以此日聽視此朔之政謂之視朔文十六年公四不視朔僖五年傳曰公既視朔是也視朔者聽治此月之政亦謂之聽朔王藻云天子聽朔於南門之外是也其日又以禮祭於宗廟謂之朝廟周禮謂之朝享司尊彝云追享朝享是也其歲首為之則謂之朝正襄二十九年正月公在楚傳曰釋不朝正于廟是也告朔視朔聽朔朝廟此告朔聽朔之禮者杜預春秋釋例曰人君者設官分職以為民極遠總事以全委任之責縱諸下以盡知力之用總成敗以効能否執八柄以明誅賞故自非機事皆委任焉誠信足以相感事實盡而不擁故受位居職者思効忠善日夜自進而無所顧忌也天下之細事無數一日二日萬端人君之明有所不照

人君之力有所不堪則不得不借問近習有時而用之如此則六鄉六遂之張雖則復此事躬造此官當皆移聽於內官回心於左右政之執亂常必由此聖人知其不可故簡其節敬其事因月朔朝廟遷坐正位會羣吏而聽大政考其所行而決其煩疑非徒議者然也乃所以考已然又惡其密聽之亂公也故顯暴以斷之是以上下交泰官人以理萬民以察天下以治也每月之朔必朝於廟因聽政事敬而禮成以故告特羊然則朝廟朝正告朔視朔皆同日之事所從言異耳是言聽朔朝廟之義也玉藻說天子朝廟之禮云聽朔於南門之外諸侯皮弁聽朔於太廟鄭玄以為明堂在國之陽南門之外謂明堂也諸侯春朔以特羊則天子以特牛與天子用特牛告其帝及其神配以文王武王諸侯用特羊告太祖而已杜預以明堂與祖廟為一但明堂是祭天之處天子告朔雖杜之義亦應告人帝朝享即月祭是也祭法云王立七廟祖廟曰考廟王考廟皇考廟顯考廟皆月祭之二祧享嘗乃止諸侯立五廟曰考廟王考廟皇

考廟皆月祭之顯考廟祖考廟享嘗乃止然則天子告朔於明堂朝享於五廟諸侯告朔於太廟廟享自皇考以下三廟耳皆先告朔後朝廟朝廟小於告朔文公廢其大而自行其小故春秋文公六年經云閏月不告朔猶朝于廟公羊傳曰猶者可止之辭也天子玄冕以視朔皮弁以日視朝諸侯皮弁以聽朔朝服以日視朝其閏月則聽朔於明堂闔門左扉立於其中聽政於路寢門終月故於文王在門為閏云魯自文公始不視朔者即文六年閏月不告朔是也

子曰事君盡禮人以爲諂也

孔曰時事君者多無禮

故以有禮者爲諂

疏子曰至諂也。正義曰此章疾時臣事君多無禮也言若有人

事君盡其臣禮謂將順其美及善則稱君之類而無禮之人反以爲諂佞也

定公問君使臣臣事君如之何

孔曰定公魯君諡時

臣失禮定公患之故問之

孔子對曰君使臣以禮臣

事君以忠

定公問至以忠。正義曰此章明君臣之禮也定公問君使臣事君如之何

者定公魯君也時臣失禮君不能使定公患之故問於孔子曰君之使臣及臣之事君當如之何也孔子對曰君使臣以禮臣事君以忠者言禮可以安國家定社稷止由君不用禮則臣不竭忠故對曰君之使臣以禮則臣必事君以忠也。○疏曰至問之。正義曰云定公魯君諡者魯世家云定公名宋襄公之子昭公之弟以敬王十一年即位益法安民大慮曰定

子曰關雎樂而不淫哀而不傷

孔曰樂不至淫哀不

至傷言其和也

疏子曰至不傷。正義曰此章言正樂之和也關雎者詩國風周南首

篇名與后妃之德也詩序云樂得淑女以配君子憂在進賢不淫其色是樂而不淫也哀窈窕思賢才而

無傷善之心焉是哀而不傷也樂不至淫哀不至傷言其正樂之和也

哀公問社於宰我宰我對曰夏后氏以松殷人以柏周人以栗曰使民戰栗

孔曰凡建邦立社各以其土所宜之木宰我不本其意妄為之說因周用栗便云

使民戰栗

子闢之曰成事不說

包曰事已成不可復說遂事不諫

包曰事已往不可復追咎孔子非宰我故歷不答

言此三者欲使慎其後疏

哀公至不答曰正義曰此章明社所用木也哀公問社於宰我者哀公魯君也禮五上之神也凡建邦立社各以其土所宜木故宰我

舉之以對哀公也但宰我不本其土宜之意因周用

宰我對哀公使民戰栗知其虛妄無如之何故曰事

已成不可復說也事已遂不可復諫止也事已往

不可復追咎也歷言此三者以非之欲使慎其後也

孔曰至戰栗正義曰云凡建邦立社各以其

土所宜之木者以社者五土之總神故凡建邦立國

必立社也夏都安邑宜松殷都亳宜柏周都豐鎬宜

栗是各以其土所宜木也謂用其木以為社主張包

周本以為哀公問社於宰我先儒或以為宗廟主者

子曰管仲之器小哉言其器量小也或曰管仲儉乎

包曰或人見孔子小之以為謂之大儉曰管氏有

禮記卷之三十一 檀弓第十 四年刑 吾先家三

三歸官事不攝焉得儉

包曰三歸娶三姓女婦人

謂嫁曰歸攝猶兼也禮國君事大官各有人大夫兼

并令管隸家臣備職非為儉然則管仲知禮乎

包曰或人以儉問故答以安得儉或人聞不儉便謂為

得禮曰邦君樹塞門管氏亦樹塞門邦君為兩君之

好有反坫管氏亦有反坫

鄭曰反坫反爵之坫在

兩楹之間人君別內外於門樹屏以蔽之若與鄰國

為好會其獻酢之禮更酌酌畢則各反爵於坫上今

管仲借僭為之如是是不知禮管氏而知禮孰不知

禮疏子曰至知禮正義曰此章言管仲僭禮也子

子言其器量小也或曰管仲儉乎者或人見孔子言

管仲器小以為謂其大儉故問曰管仲儉乎曰管氏

有三歸官事不攝焉得儉者孔子答或人以管仲不

儉之事也婦人謂嫁曰歸攝猶兼也焉猶安也禮大

夫雖有妾媵嫡妻唯娶一姓今管仲娶三姓之女故

曰有三歸禮國君事大官各有人大夫雖得有家臣

不得每事立官當使一官兼攝餘事今管仲家臣備

職奢豪若此安得為儉也然則管仲知禮乎者或人

問孔子言管仲不儉便謂為得禮故又問曰然則管

仲是知禮之人乎曰邦君樹塞門管氏亦樹塞門邦

君為兩君之好有反坫管氏亦有反坫者此孔子又

為或人說管仲不知禮之事也邦君諸侯也屏謂之

樹人君別內外於門樹屏以蔽塞之大夫當以簾蔽

其位耳今管仲亦如人君樹屏以塞門也反坫反爵

之坫在兩楹之間人君與鄰國為好會其獻酢之禮

萬曆十四年刊

吾流卷三

有反爵之姑備盥如此是不知禮也管氏而知禮孰
不知禮者孔子舉其備禮於上而以此言非之孰誰
也言若謂管氏而為知禮更誰為不知禮言唯管氏
不知禮也。○包曰至為儉。正義曰云婦人謂嫁
日歸者隱三年公羊傳文何休曰婦人生以父母為
家嫁以夫為家故謂嫁日歸明有三歸之道也。○
鄭曰至知禮。正義曰云反姑反爵之姑在兩楹之
間者以鄉飲酒是鄉大夫之禮於房戶間燕禮是燕
已之臣子故尊於東楹之西若兩君相敵則尊於兩
楹間故其姑在兩楹間也云人君別內外於門樹屏
以蔽之者釋宮云屏謂之樹郭璞曰小牆當門中郊
特牲云臺門而旅樹鄭玄云此皆諸侯之禮也旅道
也屏謂之樹樹所以蔽行道管氏樹塞門塞猶蔽也
禮天子外屏諸侯內屏大夫以簾士以帷是也云若
與鄰國為好會其獻酢之禮更酌酌畢則各反爵於
姑上者熊氏云主君獻賓賓筵前受爵飲畢反姑虛
爵於姑上於西階上拜生於於於於於於於於於於
取爵洗爵酌以酢主人主六受爵飲畢反此虛爵於

姑上主人作階上拜賓答拜是賓主飲畢反爵於姑
上也而云酌畢各反爵於姑上者文不具耳其實當
飲

子語魯大師樂曰樂其可知也始作翕如也大師樂

官名五音始奏翕如盛從之純如也從讀曰縱言

五音既發放縱盡其音聲純和諧也皦如也言

其音簡明也釋如也以成縱之以純如皦如釋如

言樂始作翕如而成於三疏子語至以成。○正義曰

樂者大師樂官名猶周禮之大司樂也於時魯國禮
樂崩壞故孔子以正樂之法語之使知也曰樂其可
知也者言五音翕然盛也翕盛貌如昔語辭從之純
如也者從讀曰縱謂放縱也純和也言五音既發放

縱盡其音聲純純和諧也。皦如也者，皦明也。言其音節分明也。釋如也者，言其音格釋然，不絕也。以成者，言樂始作，翕如又繼之，以純如。皦如釋如，則正樂以之而成也。

儀封人請見。鄭曰：儀，蓋衛邑。封人，官名。曰：君子之至

於斯也，吾未嘗不得見也。從者見之。包曰：從者，弟子

于隨孔子行者。通使得見。出曰：二三子何患於喪乎？

天下之無道也久矣。孔曰：語諸弟子言何患於夫

子聖德之將喪亡邪？天下之無道已久矣。極衰必盛

天將以夫子為木鐸。孔曰：木鐸，施政教時所張也。

言天將命孔子創作法度，以號令於天下。疏：儀封人

正義曰：此章明夫子之德。天將命之，使其定禮樂也。儀封人請見，衛國儀邑典封疆之人，請告於孔子。從者欲見孔子也。曰：君子之至於斯也，吾未嘗不得見也。者，此所請辭也。嘗，曾也。言往者有德之君子，至於我斯地也，吾嘗得見之。未曾有不得見者也。從者見之者，從者謂弟子隨孔子行者。既見其請，故為之紹介，通使得見也。出曰：二三子何患於喪乎？者，儀封人請既見夫子出門，乃語諸弟子曰：二三子何須憂患於夫子聖德之將喪亡乎？天下之無道也久矣。者，此對人又說孔子聖德不喪之由也。言事不常一盛必有衰，衰極必盛。今天下之衰亂無道亦已久矣。言拯弱興衰，屬在夫子。天將以夫子為木鐸者，木鐸，金鈴，木舌，施政教時所振也。言天將命孔子創作法度，以號令於天下，如木鐸以振文教也。鄭曰：儀蓋至官名。正義曰：云儀蓋衛邑者，以左傳衛侯入於夷儀，疑與此是一故。云蓋衛邑也，云封人官名者，周禮封人掌為畿封而樹之。鄭玄云：畿上有封，若今時界也。天子封人職，典封疆，則知諸侯封人亦然也。左傳

言頴谷封人祭仲足為祭封人宋高京為蕭封人此云儀對人皆以地名封人蓋職典封疆潘在邊邑頴谷儀祭皆是國之邊邑也。包曰至得見。正義曰云通使得見者見謂為之紹介使之見也若左傳云乃見鱒設諸焉齊豹見宗魯於公孟亦然。孔有金鐸木鐸鐸是鈴也其體以金為之明舌有金木之異知木鐸是木舌也周禮教鼓人以金鐸通鼓大司馬教振旅兩司馬執鐸明堂位云振木鐸於朝是武事振金鐸文事振木鐸此云木鐸施政教時所振者所以振文教是也

子謂韶盡美矣又盡善也

孔曰韶舜樂名謂以聖德

受禪故盡善

謂武盡美矣未盡善也

孔曰武武王

樂也以征伐取天下故未盡善

疏子謂至善也。正義曰此章論韶武

之樂子謂韶盡美矣又盡善也者韶舜樂名韶紹也德能紹堯故樂名韶言韶樂其聲及舞極盡其美揖讓受禪其聖德又盡善也謂武盡美矣未盡善也者武周武王樂以武得民心故名樂曰武言武樂音曲舞容則盡極美矣然以征伐取天下不若揖讓而得故其德未盡善也。孔曰至盡善。正義曰云韶舜樂名者樂記云韶繼也註云韶紹也言舜之道德繼紹於堯也元命包曰舜之時民樂紹堯業其書益稷云簫韶九成鳳凰來儀是韶為舜樂名也云謂以聖德受禪故盡善者書序云昔在帝堯聰明文思光宅天下將遜于位讓于虞舜孔安國云老使攝遂禪之禪即讓也是以聖德受禪也。孔曰至未盡善。正義曰云武武王樂也者禮器云樂也者樂其所自成註云作樂者緣民所樂於已之功然則以武王用武除暴為天下所樂故謂其樂為武樂武樂為一代大事故歷代皆稱大也云以征伐取天下故未盡善者以臣伐君雖曰應天順人不若揖讓而受故未盡善也

子曰居上不寬為禮不敬臨喪不哀吾何以觀之哉

子曰居上不寬為禮不敬臨喪不哀吾何以觀之哉
○正義曰此章總言禮意居上位者寬則得衆不寬則失於苛刻凡為禮事在於莊敬不敬則失於傲情親臨死喪當致其哀不哀則失於和易凡此三失皆非禮意人或若此不足可觀故曰吾何以觀之哉

論語註疏解經卷第三

論語註疏解經卷第四 魏何晏集解 宋邢昺疏

皇明朝列大夫國子監祭酒臣李長春等奉
勅重較刊

皇明朝列大夫國子監祭酒臣吳士元 承德郎司業仍加俸一級臣黃錦等奉
旨重修

里仁第四疏 正義曰此篇明仁仁者善行之大名也君子體仁必能行禮樂故以次前也

子曰里仁為美 鄭曰里者仁之所居居於仁者之里

是為美 擇不處仁焉得知 鄭曰求居而不處仁者

之里不得為有知 疏子曰至得知○正義曰此章言居必擇仁也里仁為美者里居

也仁者之所居處謂之里仁凡人之擇居居於仁者

之里是為美也擇不處仁焉得知者焉猶安也擇處

居處而不處仁者之里安得為有知也

子曰不仁者不可以久處約

孔曰久困則為非不可

以長處樂

孔曰必驕佚

仁者安仁

包曰惟性仁

者自然體之故謂安仁

知者利仁

王曰知仁為美

故利而行之

疏子曰至利仁。正義曰此章明仁性也。不仁者不可以久處約者言不仁

之人不可令久長處貧約若久困則為非也不可以

長處樂者言亦不可令久長處於富貴逸樂若久長

處樂則必驕佚仁者安仁者謂天性仁者自然安而

行之也知者利仁者知能照識前事知仁為美故利

而行之也。包曰至安仁。正義曰此經仁者安

仁知者利仁與表記正同理亦不異云惟性仁者自

然體之者言天性仁者非關利害自然汎愛施生體

包仁道易文言曰君子體仁足以長人是也。王

曰至行之。正義曰云知仁為美故利而行之者言

有知謀者貪利而行作有利則行無利則止養本情

也

子曰惟仁者能好人能惡人

孔曰惟仁者能審人之

所好惡

疏子曰惟仁者能好人能惡人。正義曰此章言惟有仁德者無私於物故能審人之

好惡

也

子曰苟志於仁矣無惡也

孔曰苟誠也言誠能志於

仁則其餘終無惡

疏子曰苟志於仁矣無惡也。正義曰苟誠也此章言誠能志在

於仁則其餘

行終無惡也

子曰富與貴是人之所欲也不以其道得之不處也

孔曰不以其道得富貴則仁者不處

貧與賤是人之

所惡也不以其道得之不去也註時有否泰故君子履道而反貧賤此則不以其道得之雖是人之所惡

不可違而去之 君子去仁惡乎成名註孔曰惡乎成

名者不得成名為君子 君子無終食之間違仁造次

必於是顛沛必於是註馬曰造次急遽顛沛偃仆雖

急遽偃仆不違疏子曰至於是○正義曰此章廣明仁行也富與貴是人之所欲

也不以其道得之不處也者富者則多貴者位高此二者是人之所貪欲也若不以其道而得之雖是人之所欲而仁者不處也貧與賤是人之所惡也不以其道得之不去也者乏財曰貧無位曰賤此二者是人之所嫌惡也時有否泰故君子履道而反貧賤此則不以其道而得之雖是人之所惡而仁者不違而

去之也君子去仁惡乎成名者惡乎猶於何也言人欲為君子惟行仁道乃得君子之名若違去仁道則於何得成名為君子乎言去仁則不得成名為君子也君子無終食之間違仁者言仁不可斯須去身故君子無食頃違去仁道也造次必於是顛沛必於是者造次急遽也顛沛偃仆也言君子之人雖身有急遽偃仆之時而必守於是仁道而不違去也註馬曰至違仁○正義曰云造次急遽者造次猶言草次鄭玄云倉卒也皆迫促不暇之意故云急遽云顛沛偃仆者說文云偃僵也仆頓也則偃是仰倒也仆是踣倒也雖遇此顛躓之時亦不違仁也

子曰我未見好仁者惡不仁者好仁者無以尚之註孔曰難復加也 惡不仁者其為仁矣不使不仁者加乎

其身註孔曰言惡不仁者能使不仁者亦加非義於

已不知好仁者無以尚之為優 有能一日用其力於

仁矣乎我未見力不足者 孔曰言人無能一日用

其力脩仁者耳我未見欲為仁而力不足者 蓋有之

矣我未之見也 孔曰謙不欲盡誣時人言不能為

仁故云為能有爾我未之見也 疏子曰至見也。正

仁也我未見好仁者惡不仁者孔子言我未見性好

仁者亦未見能疾惡不仁者也好仁者無以尚之者

此覆說上好仁者也尚上也言性好仁者為德之最

上他行無以更上之言難復加也惡不仁者其為仁

矣不使不仁者加乎其身上惡不仁者其言

能疾惡不仁者亦得為仁但其行少劣故曰其所為

好仁者無以尚之為優也有一日用其力於仁矣

乎者言世不脩仁也故曰有人能一日之間用其力

於仁道矣乎言人誠能一日用其力脩仁者耳我未

見力不足者言德輔如毛行仁甚易我欲仁斯仁至

矣何須用力故曰我未見欲為仁而力不足者也蓋

有之矣我未之見也者此孔子謙不欲盡誣時人言

不能為仁故曰蓋有能為之者矣但我未之見也

子曰人之過也各於其黨觀過斯知仁矣 孔曰黨黨

類小入不能為君子之行非小人之過當恕而勿責

之觀過使賢愚各當其所則為仁矣 疏子曰至仁矣

章言仁恕也人之過也各於其黨者黨黨類也言人

之為過也君子小人各於其類也觀過斯知仁矣者

言觀人之過使賢愚各當其所若小人不能為君子

之行非小人之過當恕而勿責之斯知仁者之用心

萬曆十四年刊

語苑卷四

日

子曰朝聞道夕死可矣

言將至死不聞世之有道

疏

子曰朝聞道夕死可矣。正義曰此章疾世無道也。設若早朝聞世有道暮夕而死無可恨矣言將至死不聞世之有道也。

子曰士志於道而恥惡衣惡食者未足與議也

疏

也。正義曰此章言人當樂道固窮也士者人之有士行者也言士雖志在善道而衣服飲食好其華美取其麤惡者則是志道不篤故未足與言議於道也。

子曰君子之於天下也無適也無莫也義之與比

疏

子曰君子之於天下也無適也無莫也義之與比。疏曰至與比。正義曰此章貴義也適厚也莫薄也比親也言君子於天下之人無擇於富厚與窮薄者但有義者則與之相親也。

子曰君子懷德

小人懷土

小人懷惠

疏

子曰君子懷刑

小人懷惠

疏

子曰至懷惠。正義曰此章言君子小人所安不同也君子懷德小人懷土者懷安也君子執德不移是安於德也小人安安而不能遷者難於遷徙是安於土也君子懷刑小人懷惠者刑法制惠恩惠也君子樂於法制齊民是懷刑也小人惟利是親安於恩惠是懷惠也。

子曰放於利而行

多怨

疏

子曰放於利而行多怨。疏曰此章惡利也放依也言人每事依於財利而行則是取怨之道也故多為人所怨恨也。

子曰能以禮讓為國乎何有

疏

不能以

禮讓為國如禮何

包曰如禮何者言不能用禮

疏

子曰至禮何。正義曰此章言治國者必須禮讓也。能以禮讓為國乎者為猶治也。禮節民心讓則不爭。言人君能以禮讓為教治其國乎云何有者謂以禮讓治國何有其難言不難也。不能以禮讓為國者言人君不能明禮讓以治民也。如禮何者言有禮而不能用如此禮何。

子曰不患無位患所以立不患莫己知求為可知也

包曰求善道而學行之則人知己

疏子曰至知也。正義曰此章勸

學也不患無位者一不憂爵位也。患所以立者言但憂其無立身之才。耳不患莫己知者言不憂無人見知於己也。求為可知也者言求善道而學行之使己才學有可知重則人知己也。

子曰參乎吾道一以貫之曾子曰唯

疏子曰直曉不問

敬答曰唯

子出門人問曰何謂也曾子曰夫子之道

忠恕而已矣

疏子曰云已矣。正義曰此章明忠恕也。子曰參乎者呼曾子名欲語之也。

吾道一以貫之者貫統也。孔子語曾子言我所行之道惟用一理以統天下萬事之理也。曾子曰唯者曾子直曉其理更不須問。故答曰唯。子出者孔子出去也。門人問曰何謂也者。門人曾子弟子也不曉夫子之言故問於曾子也。曾子曰夫子之道忠恕而已矣者。答門人也。忠謂盡中心也。恕謂付己度物也。言夫子之道惟以忠恕一理以統天下萬事之理更無他法。故云而已矣。

子曰君子喻於義小人喻於利

疏子曰

君子喻於義小人喻於利。正義曰此章明君子小人所曉不同也。喻曉也。君子則曉於仁義小人則曉於財利。

子曰見賢思齊焉

包曰思與賢者等

見不賢而內自

省也

疏

子曰至省也。正義曰此章勉人為高行也。見彼賢則思與之齊等見彼不賢則內自省

祭得無如彼人乎

子曰事父母幾諫

包曰幾者微也當微諫納善言於

父母

見志不從又敬不違勞而不怨

包曰見志見

父母志有不從已諫之色則又當恭敬不敢違父母

意而遂已之諫

疏

子曰至不怨。正義曰此并下四

章皆明孝事父母幾諫者幾微也。父母有過當微納善言以諫於父母也。見志不從又敬不違者見父母志有不從已諫之色則又當恭敬不敢違父母意而遂已之諫也。勞而不怨者父母使已以勞辱之事已當盡力服其勤不得怨父母也。

子曰父母在不遠遊遊必有方

鄭曰方猶常也

疏曰子

父母在不遠遊遊必有方。正義曰方猶常也。父母既存或時思欲見已故不遠遊遊必有常所欲使父母呼已得即知其處也。設若告云請甲則不得更請乙恐父母呼已於甲處不見則使父母憂也。

子曰三年無改於父之道可謂孝矣

鄭曰孝子在喪

哀戚思慕無所改於父之道非心所忍為

疏子曰三年無改

於父之道可謂孝矣。正義曰言孝子在父母喪三年之中哀戚思慕無所改為父之道非心所忍為故也。此章與學而篇同當是重出學而篇是孔註此是鄭註本或二處皆有。

子曰父母之年不可不知也一則以喜一則以懼

孔

疏子曰父母之年不可不知也一

則以喜一則以懼。正義曰言孝子當知父母之年也其意有二一則以父母年多見其壽考則喜也一則以父母年老形必衰弱見其衰老則憂懼也

子曰古者言之不出恥躬之不逮也包曰古人之言

不妄出口為身行之將不及疏子曰古者言之不出恥躬之不逮也。正義曰此章明慎言躬身也逮及也言古人之言不妄出口為身行之將不及故也

子曰以約失之者鮮矣孔曰俱不得中奢則驕佚招禍儉約無憂患是以約致失者少也

子曰君子欲訥於言而敏於行包曰訥遲鈍也言欲

選而行欲疾疏子曰君子欲訥於言而敏於行。正義曰此章慎言貴行也訥遲鈍也敏疾也言君子但欲遲鈍於言敏疾於行惡時人行不副言也

子曰德不孤必有鄰方以類聚同志相求故必有鄰

是以不孤疏子曰德不孤必有鄰。正義曰此章勉人脩德也有德則人所慕仰居不孤特必有同志相求與之為鄰也。方以至不孤。正義曰云方以類聚者周易上繫辭文也方謂法術性行各以類相聚也云同志相求者周易乾卦文言也言志同者相求為朋友也故必有鄰是以不孤者案坤卦文言曰君子敬以直內義以方外敬義立而德不孤言身有敬義以接於人則人亦敬義以應之是亦德不孤也

子游曰事君數斯辱矣朋友數斯疏矣數謂速數之

數疏子游曰事君數斯辱矣朋友數斯疏矣。正義曰此章明為臣結交當以禮進也數謂速數數則瀆而不敬故事君數斯致罪辱矣朋友數斯見疏薄矣。註數謂速數之數。正義曰嫌讀為上聲去聲故辨之。

論語註疏解經卷第四

論語註疏解經卷第五

魏何晏集解 宋邢昺疏

皇明朝列大夫國子監祭酒臣李長春等奉勅重較刊

皇明朝列大夫國子監祭酒臣吳士元 承德郎司業仍加俸一級臣 錦等奉旨重修

公冶長第五疏

正義曰此篇大指明貴人君子之知剛直以前篇擇仁者之里而處之得

學為君子即下云魯無君子斯焉取斯是也故次里仁

子謂公冶長可妻也雖在縲絏之中非其罪也以其子

妻之註

孔曰冶長弟子魯人也姓公冶名長縲黑索

縲繫也所以拘罪人

疏子謂至妻之。正義曰地章明弟子公冶長之賢也子謂

公冶長可妻也者納女於人曰妻孔子評論弟子公治長德行純備可納女與之為妻也雖在縲絏之中

乘其罪也者縲黑索縛也古獄以黑索拘繫罪人於時治長以枉濫被繫故孔子論之曰雖在縲紲之中實非其治長之罪也以其子妻之者論竟遂以其女子妻之也。註孔曰至罪人。正義曰云治長弟子魯人也者案家語弟子篇云公冶長魯人字子長為人能忍辱孔子以女妻之又案史記弟子傳云公冶長齊人而此云魯人用家語為說也張華云公冶長墓在陽城姑幕城東南五里所基極高舊說治長解禽語故繫之縲紲

子謂南容邦有道不廢邦無道免於刑戮以其兄之子妻之。註王曰南容弟子南容

籍魯人也字子容不廢言見用。疏子謂南容至妻之。正義曰此章義

子評論弟子南容之賢行也邦有道不廢邦無道免於刑戮者此南容之德也若遇邦國有道則常得見用在官不被廢棄若遇邦國無道則必危行言避以脫免於刑罰戮辱也以其兄之子妻之者言德行如

此故以其兄之安與之為妻也。註王曰至見用。正義曰云南容弟子南容籍魯人也字子容者此家語弟子篇文也案史記弟子傳云南容字子容鄭

註檀弓云南宮縉孟僖子之子南宮閱以昭七年左氏傳云孟僖子將卒君其夫云屬說與何意於夫子以事仲尼以南宮為氏故世本云仲孫履生南宮

子謂子賤。註孔曰子賤魯人弟子齊不齊君子哉若人

魯無君子子賤安得此行而學行之。疏子謂子賤至取斯。正義

曰此章論子賤之德也君子哉若人魯無君子者斯焉取斯者此評論之辭也因美魯多君子故曰有君子之德哉若此人也魯國若更無君子者斯子賤安得取斯君子之德行而學行之乎明魯多君子故子

賤得學為君子也。○註孔曰至不齊。正義曰案家語弟子篇云定不齊魯人字子賤少孔子四十九歲為單父宰有才能知仁愛百姓不惑欺之哉孔子大之也

子貢問曰賜也何如子曰女器也。○註孔曰言女器用之

人曰何器也曰瑚璉也。○註包曰瑚璉黍稷之器夏曰

瑚殷曰璉周曰簠簋宗廟之器貴者

疏子貢至瑚璉也。○正義曰

此章明弟子子貢之德也子貢曰賜也何如者子貢見夫子歷說諸弟子不及於已故問之曰賜也賜曾不知其行何如也子曰女器也夫子答之言女器用之人也曰何器也者子貢繼得夫子言也為器用之人但器有善惡猶未知也器云何故復問之也曰瑚璉也者此夫子又為指其定分瑚璉黍稷之器宗廟之器貴者也言女是貴器也。○註包曰至貴者。正義曰云瑚璉黍稷之器夏曰瑚殷曰璉簠簋者

案明堂位說四代之器云有虞氏之兩敦夏后氏之四璉殷之六瑚周之八簠註云皆黍稷器制之異同未聞鄭註周禮舍人云方曰簠圓曰簋如記文則夏器名璉殷器名瑚而包咸鄭玄等說此論語賈服杜等註左傳皆云夏曰瑚或引有所據或相從而誤也

或曰雍也仁而不佞。○註馮曰雍弟子仲弓名姓冉子曰

焉用佞禦人以口給屢憎於人不知其仁焉用佞。○註

孔曰屢數也佞人口辭捷給數為人所憎惡。○疏或曰

佞。○正義曰此章明口不須佞也或曰雍也仁而不佞者佞口才也或有一人言於夫子曰弟子冉雍雖身有仁德而口無才辯或人嫌其德未備也子曰焉用佞者夫子語或人言仁人安用其佞也禦人以口給屢憎於人者夫子更為或人說佞人之短屢數也言佞人禦當於人以口才捷給屢致憎惡於人謂數

為人所憎惡也。不知其仁焉。用佞者言。佞人既數為人所憎惡。則不知有其仁德之人。復安用其佞耶。○
正義曰。案史記。弟。子。傳。冉。雍。字。仲。弓。鄭。玄。曰。魯。人。也。○正義曰。案史記。弟。子。正義曰。屢。數。也。者。釋。言。云。屢。亟。也。郭。璞。云。亟。亦。數。也。云。佞。人。口。辭。捷。給。數。謂。人。所。憎。惡。者。案。左。傳。云。寡。人。不。佞。服。虔。云。佞。才。也。不。才。者。自。謙。之。辭。也。而。此。云。焉。用。佞。禦。人。以。口。給。屢。憎。於。人。則。佞。非。善。事。而。以。不。佞。為。嫌。者。佞。是。口。才。捷。利。之。名。本。非。善。惡。之。稱。但。為。佞。有。善。惡。耳。為。善。捷。敏。是。善。佞。祝。鮑。是。也。為。惡。捷。敏。是。惡。佞。即。遠。佞。人。是。也。但。君。子。欲。訥。於。言。而。敏。於。行。言。之。雖。多。情。或。不。信。故。云。焉。用。佞。耳。

子使漆雕開仕對曰吾斯之未能信

孔曰開弟子漆雕

雕姓開名仕進之道未能信者未能究習

子說

曰善其志道深

疏子使至子說。正義曰。此章明弟子漆雕開之。行。子使漆雕開仕者

弟子姓漆雕名開孔子使之仕進也對曰吾斯之未能信者開意志於學道不欲仕進故對曰吾於斯仕進之道未能信言未能究習也子說者孔子見其不汲汲於榮祿知其志道深故喜說也。○正義曰。案史記。弟。子。傳。漆。雕。開。字。子。開。鄭。玄。曰。魯。人。也。

子曰道不行乘桴浮于海從我者其由與

馬曰桴編

竹木大者曰桴小者曰桴

子路聞之喜

孔曰喜與

已俱行子曰由也好勇過我無所取材

鄭曰子路

信夫子欲行故言好勇過我無所取材者無所取於器材以手路不解微言故戲之耳。一日子路聞孔子欲浮海便喜不復顧望故孔子歎其勇曰過我無所

取哉言唯取於已古字射哉同

疏子曰至取材。正義曰此章仲尼患

中國不能行已之道也道不行乘桴浮于海者桴竹木所編小楫也言我之善道中國既不能行即欲乘其桴楫浮渡于海而居九夷庶幾能行已道也從我者其由與者由子路名以子路果敢有勇故孔子欲令從已意未決定故云與以疑之子路聞之喜者喜夫子欲與已俱行也子曰由也好勇過我無所取材者孔子以子路不解微言故以此戲之耳其說有二鄭以為材桴材也子路信夫子欲行故言好勇過我無所取材者無所取於桴材也示子路令知已但歎世無道耳非實即欲浮海也一曰材讀曰哉子路聞孔子欲浮海便喜不復顧望孔子之微意故孔子歎其勇曰過我無所取哉者言唯取於已無所取於他人哉。○**註**馬曰至曰桴。○正義曰云桴編竹木大者曰楫小者曰桴者爾雅云舫泝也郭璞云水中舫筏謂之後筏秦晉之通語也方舫泝桴音義同也。

孟武伯問子路仁乎子曰不知也

疏子曰仁道至大不可全名也

又問子曰由也千乘之國可使治其賦也

註孔曰賦與賦不知其仁也求也何如子曰求也千

室之邑百乘之家可使為之宰也 **註**孔曰千室之邑

卿大夫之邑卿大夫稱家諸侯千乘大夫百乘宰家

不知其仁也赤也何如子曰赤也束帶立於朝可

使與賓客言也 **註**馬曰赤弟子公西華有容儀可使

為行人不知其仁也 **疏**孟武至仁也。○正義曰此章

仁乎子曰不知也者魯大夫孟武伯問於夫子曰弟子子路有仁德否乎夫子以為仁道至大不可全名

故答曰不知也又問者武伯意其子路有奈漢天子雖答以不知又復問之也子曰由也子乘之國可使治其賦也不知其仁也者此夫子更為武伯說子路之能言由也有勇千乘之夫國可使治其賦也子路知其仁也言仁道則不全也求也何如者此句又武伯問辭言弟子冉求仁道何如子曰求也千室之邑百乘之家可使為之宰也不知其仁也者此孔子又答武伯以冉求之能也言求也若卿大夫千室之邑百乘卿大夫之家可使為之邑宰也仁則不知也赤也何如者此句文武伯問辭言弟子公西赤仁則不知也赤如子曰赤也束帶立於朝可使與賓客言也不知其仁也者此孔子又答以公西赤之才也言赤也有容儀可使為行人之官盛服束帶立於朝廷可使與鄰國之大賓小客言語應對也仁則不知也○註孔曰賦兵賦○正義曰案隱四年左傳云敝邑以賦與陳蔡從服虔云賦兵也以田賦出兵故謂之兵賦正謂以兵從也其賦法依周禮九夫為井四井為邑四邑為丘丘十六井出戎馬一匹牛三頭四丘為甸甸六十

四井出長轂一乘戎馬四匹牛三頭甲士三人步卒七十二人是也○註孔曰至家臣○正義曰云千室之邑卿大夫之邑者大學云百乘之家不畜聚斂之臣鄭註云百乘之家有采地者也又鄭註云采地一同之廣輪也然則此云千室之邑百乘之家者謂卿大夫采邑地有一同民有千家者也左傳曰唯卿備百邑司馬法成方十里出革車一乘故知百乘之家地一同也○註馬曰至行人○正義曰云亦弟子公西華者案史記弟子傳云公西赤字子華鄭玄曰魯人少孔子四十二歲云有容儀可使為行人者按周禮有大行人小行人之職掌賓客之禮儀及朝覲聘問之事言公西華任此官也

子謂子貢曰文與回也孰愈○註孔曰愈猶勝也對曰賜也何敢望回回也聞一以知十賜也聞一以知二子曰弗如也吾與女弗如也○註包曰既然子貢不如復

云吾與女俱不如者蓋欲以慰子貢也

疏子謂至如也。正義

曰此章美顏回之德子謂子貢曰女與回也孰愈者愈猶勝也孔子乘間問弟子子貢曰女之才能與顏回誰勝對曰賜也何敢望回者望謂比視子貢稱名言賜也才劣何敢此視顏回也回也聞一以知十賜也聞一以知二者子貢更言不敢望回之事假設數名以明優劣一者數之始十者數之終顏回亞聖故聞始知終子貢識淺故聞一纔知二以明已與回十分及二是其懸殊也子曰弗如也吾與女弗如也者夫子見子貢之答識有懸殊故云不如也弗者不之深也既然答子貢不如又恐子貢慚愧故復云吾與女俱不如欲以安慰子貢之心使無慚也

宰予晝寢

註

子曰宰予弟子宰我

子曰朽木不可雕也

註包曰朽腐也雕雕琢刻畫

糞土之牆不可朽也

王曰朽鏝也此二者以喻雖施功猶不成

於予與何

誅

註

孔曰誅責也今我當何責於女乎深責之

子曰

始吾於人也聽其言而信其行今吾於人也聽其言

而觀其行於予與改是

註

孔曰改是聽言信行更察

言觀行發於宰我之晝寢

疏宰予至改是。正義曰此章勉人學也宰予晝

寢者弟子宰我晝日晝寐也子曰朽木不可雕也糞土之牆不可朽也者此孔子責宰我之辭也朽腐也雕雕琢刻畫也朽鏝也言腐爛之木不可雕琢刻畫以成器物糞土之牆易為堙壞不可朽鏝塗墁以成華美此二者以喻人之學道當輕且璧而重寸陰今乃廢惰晝寢雖欲施功教之亦終無成也於予與何誅者誅責也與語辭言於宰予何足責乎謂不足可責乃是責之深也然宰我處四科而孔子深責者託

之以設教耳宰我非實情學之人也子曰始吾於人也聽其言而信其行今吾於人也聽其言而觀其行於予與改是者與亦語辭以宰予嘗謂夫子言已勤學今乃晝寢是言與行違故孔子責之曰始前吾於人也聽其所言即信其行以為人皆言行相副今後吾於人也雖聽其言更觀其行待其相副然後信之因發於宰予晝寢言行相違改是聽言信行更察言觀行也。○註包曰宰予弟子宰我。正義曰案史記弟子傳云宰予字子我鄭玄曰魯人也。○註王曰朽鏹也。正義曰釋宮云鏹謂之朽郭璞云泥塗也李巡曰塗一名朽塗土之作具也然則朽是塗之所用因謂泥塗為朽

子曰吾未見剛者或對曰申枨。○註包曰申枨魯人。子曰

枨也慾焉得剛。○註孔曰慾多情慾。○疏子曰至得剛。○正義曰此章明

剛子曰吾未見剛者剛謂質直而理者也夫予以時皆柔使故云吾未見剛者或對曰申枨者或人聞孔

子之言乃對曰申枨性剛子曰枨也慾焉得剛者夫子謂或人言剛者質直寡慾今枨也多情慾情慾既多或私使媚安得剛乎。○註包曰申枨魯人。○正義曰鄭云蓋孔子弟子申枨史記云申枨字周家語云申枨字周

子貢曰我不欲人之加諸我也吾亦欲無加諸人。○註

曰加陵也。子曰賜也非爾所及也。○註孔曰言不能止

人使不加非義於已。○疏子貢至及也。○正義曰此章明子貢之志子貢曰我不欲

人之加諸我也吾亦欲無加諸人者加陵也請於也子貢言我不欲他人以非義加陵於已吾亦欲無以非義加陵於人也子曰賜也非爾所及也者爾女也夫子言使人不加非義於已亦為難事故曰賜也此事非女所能及言不能止人使不加非義於已也

子貢曰夫子之文章可得而聞也

章明也文彩形質

著見可及耳目循 夫子之言性與天道不可得而聞

也 性者人之所受以生也天道者元亨利新之道

深微故不可得而聞也 疏子貢至聞也。正義曰此

也子貢曰夫子之文章可得而聞也者章明也子貢

言夫子之述作威儀禮法有文彩形質著明可以耳

聽目視依循學習故可得而聞也夫子之言性與天

道不可得而聞也者天之所命人所受以生是性也

自然化育元亨利新是天道也與及也子貢言若夫

子言天命之性及元亨利新之道其理深微故不可

得而聞也。性者至聞也。正義曰云性者人之

所受以生也者中庸云天命之謂性註云天命謂天

所命生人者也是謂性命木神則仁金神則義火神

則禮水神則信土神則知考經說曰性者天之質命

人所稟受度也言人感自然而生有賢愚吉凶或仁

或義若天之付命遣使之然其實自然天性故云性

者人之所受以生也云天道者元亨利新之道者案

易乾卦云乾元亨利貞文言曰元者善之長也亨者

嘉之會也利者義之和也貞者事之幹也謂天之體

性生養萬物善之大者莫善施生元為施生之宗故

言元者善之長也嘉美也言天能通暢萬物使物嘉

美而會聚故云嘉之會也利者義之和也者言天能

利益庶物使物各得其宜而和同也貞者事之幹者

言天能以中正之氣成就濟物使物皆得幹濟此明

天之德也天本無心豈造元亨利貞之德也天本無

心豈造元亨利貞之名也但聖人以人事託之謂此

自然之功為天之四德也此但言元亨者略言之也

天之為道生生相續新新不停故曰日新也以其自

然而然故謂之道云深微故不可得而聞也者言人

稟自然之性及天之自然之道皆不知所以然而然

是其理深微故不可得而聞也

子路有聞未之能行唯恐有聞

註 孔曰前所聞未及行

致恐後有聞不得並行也

疏 子路有聞未之能行唯恐有聞。正義曰此章

言子路之志也子路於夫子之道前有所聞未能及行唯恐後有聞不得並行也

子貢問曰孔文子何以謂之文也

註 孔曰孔文子衛大夫

夫孔圍文諡也

子曰敏而好學不恥下問是以謂之

文也

註 孔曰敏者識之疾也下問謂凡在已下者

疏

子貢至文也。正義曰此章言文為美諡也子貢問曰孔文子何以謂之文也者言文是諡之美者故問衛大夫孔圍有何善行而得謂之文也子曰敏而好學不恥下問是以謂之文也者此夫子為子貢說文子之美行也敏者疾也下問問凡在已下者言文子知識敏疾而又好學有所未辯不羞取於問也下之

人有此美行是以諡謂之文也。註孔曰至諡也。正義曰云孔文子衛大夫。孔圍者左傳文也云文諡也者案諡法云

勤學好問曰文

子謂子產有君子之道四焉

註 孔曰子產鄭大夫公孫

僑其行已也恭其事上也敬其養民也惠其使民也

義疏

子謂至也義。正義曰此章美子產之德子謂子產有君子之道四焉者孔子評論鄭大夫子

產事上也使下有君子之道四焉下文是也其行已也恭者一也言已之所行常能恭順不違忤於物也其事上也敬者二也言承事在已上之人及君親則忠心復加謹敬也其養民也惠者三也言愛養於民振乏調無以恩惠也其使民也義者四也義宜也言役使下民皆於禮法得宜不妨農也。註孔曰至孫僑。正義曰案左傳子產穆公之孫公子發之子名僑公之子稱公孫襄三十年執鄭國之政。疏云鄭大

夫公孫僑也公子發字子國公孫之子以王父字為氏據後而言故後或謂之國僑

子曰晏平仲善與人交久而敬之

周曰齊大夫晏姓

平諡名嬰

疏子曰晏平仲善與人交久而敬之○正義曰此章言齊大夫晏平仲之德凡人

輕交易絕平仲則久而愈敬所以為善○周曰聖名嬰○正義曰云齊大夫晏姓平諡名嬰者案左傳

交知之是晏桓子之子也諡法治而無嘗曰平

子曰臧文仲居蔡

包曰臧文仲魯大夫臧孫厲子諡也蔡國君之守龜出蔡地因以為名焉長尺有二寸

居蔡僭也

山節藻梲

包曰節者節也刻鏤為山梲

者梁上楹畫為藻文言其奢侈

何如其知也

孔曰

非時人謂之為知

疏子曰至知也○正義曰此章明臧文仲不知也子曰臧文仲居

蔡者蔡國君之守龜名也而曾大夫臧文仲居守之言其僭也山節者節栢也刻鏤為山形故云山節也

藻梲者藻水草有文者也梲梁上短柱也畫為藻文散云藻梲此言其奢侈也何如其知也者言僭奢若

此是不知也所以非時人謂之為知○包曰至僭也○正義曰云臧文仲魯大夫臧孫厲者案世本孝

公生僂伯僂生哀伯連連生伯氏瓶瓶生文仲辰則辰是公子疆會孫也疆字子臧公孫之子以至父

字為氏故姓曰臧也云文諡也者諡法云道德博聞曰文云蔡國君之守龜出蔡地因以為名焉長尺有

二寸居蔡僭也者漢書食貨志云元龜為蔡家語獨漆雕平對孔子云臧氏有守龜其名曰蔡文仲三年

而為一兆武仲三年而為二兆是大蔡為大龜蔡是龜之名耳鄭玄包咸皆云出蔡地因為名未可知孰

是食貨志云龜不盈尺不得為寶故知此龜長尺二寸此國君之守龜臧氏為大夫而居之故云僭也○

註包曰至奢侈。正義曰云節者柄也者釋宮文云刻鏤為山稅者梁上楹畫為藻文者釋宮云來腐謂之梁其上楹謂之稅柄謂之藻郭璞曰楹係儒柱也藻即楹也此言山節者謂刻鏤柱頭為手拱形如山也藻稅者謂畫梁上短柱為藻文也此是天子廟飾而文仲僭為之故言其奢侈文三年左傳仲尼謂之作虛器言有其器而無其位故曰虛也

子張問曰令尹子文

孔曰令尹子文楚大夫姓鬬名

穀字於菟

三仕為令尹無喜色三已之無愠色舊令

尹之政必以告新令尹何如子曰忠矣曰仁矣乎曰

未知焉得仁

但聞其忠事未知其仁也

崔子弑齊

君陳文子有馬十乘棄而違之

孔曰魯齊大夫崔

於作亂陳文子惡之捐其四十四馬違而去之至於

他邦則曰猶吾大夫崔子也違之之一邦則又曰猶

吾大夫崔子也違之何如子曰清矣曰仁矣乎曰未

知焉得仁

孔曰文子辟惡逆去無道求有道當春

秋時臣陵其君皆如崔子無有可止者

疏子張至得仁正義

曰此章明仁之難成也子張問曰令尹子文三仕為令尹無喜色三已之無愠色舊令尹之政必以告新令尹何如者弟子張問於孔子曰楚大夫令尹子文三被任用仕為令尹之官而無喜見於顏色三被已退無愠對之色舊令尹之政令規矩必以告新令尹慮其未曉也子文有此美行子張疑可謂仁故問曰何如子曰忠矣者孔子答之為行如此是忠臣也曰仁矣乎者子張復問子文此德可謂仁矣乎曰未

知焉得仁者孔子答言如其所說但聞其忠事未知其仁也崔子弑齊君陳文子有馬十乘棄而違之至於他邦則曰猶吾大夫崔子也違之者此子張又舉齊大夫猶吾大夫崔子也違之何如者此子張又舉齊大夫陳文子之行而問孔子也崔子崔杼也為齊大夫作亂弑其君光陳文子惡之故家雖富有馬十乘謂四才匹也而輒捐棄違去之至於他國亦過其亂陳文子則曰猶吾齊大夫崔子也而違去之復往一他邦則又曰猶吾齊大夫崔子也而違去之為行若此其人何如子曰清矣者孔子答言文子辟惡逆去無道求有道當春秋時臣陵其君皆如崔子無可止者可以為仁矣乎曰未知焉得仁者孔子答言據其所聞但是清耳未知他行安得仁乎○註孔子至於菟○正義曰案宣四年左傳云初若敖娶於邱生鬬伯比若敖卒從其母畜於邱淫於邱子之女生子文焉邱夫人使棄諸夢中虎乳之邱子母見之懼而歸夫人以告遂使收之楚人謂乳義謂虎於菟故命之曰

季文子三思而後行子聞之曰再斯可矣

鄭曰季文子

子魯大夫季孫行父文謚也文子忠而有賢行其舉

事寡過不必乃三思

疏季文子三思而後行子聞之曰再斯可矣○正義曰此章

美魯大夫季文子之德文子忠而有賢行其舉事皆

三思之然後乃行常寡過然孔子聞之曰不必乃三

思但再思之斯亦可矣○註鄭曰至三思○正義曰

案春秋文六年經書秋季孫行父如晉左傳曰季文

宣曆十四年刊

吾來三五

三

子將聘於晉使求遺喪之禮以行其人曰將焉用之
夫子曰備豫不虞古之善教也求而無之實難過求
何害社預云所謂文子三思故知文子魯
大夫季孫行父也蓋法云道德博聞曰文

子曰寧武子

馬曰衛大夫寧俞武蓋也

邦有道則知

邦無道則愚其知可及也其愚不可及也

孔曰佯

愚似實故曰不可及也

疏

子曰至及也。正義曰此章美衛大夫寧武子之德

也邦有道則知邦無道則愚者此其德也若遇邦國
有道則顯其知謀若遇無道則韜藏其知而佯愚其
知可及也其愚不可及也者言有道則知人或可及
得愚似實不可及也。馬曰衛大夫寧俞武蓋也
。正義曰案春秋文四年衛侯使寧俞來聘左傳曰
衛甯武子來聘公與之宴為賦湛露及彤弓不辭又
不答賦使行人私焉對曰臣以為肄業及之也杜元
凱註云此其愚不可及也。是甯武子即寧俞也。蓋去

云剛疆直
理曰武

子在陳曰歸與歸與吾黨之小子狂簡斐然成章不知

所以裁之

孔曰簡大也孔子在陳思歸欲去漢曰

吾黨之小子狂簡者進取於大道妄作穿鑿以成文

章不知所以裁制我當歸以裁之耳遂歸

子曰歸與

歸與吾黨之小子狂簡斐然成章不知所以裁之。
正義曰此章孔子在陳既久言其欲歸之意也。與語
辭再言歸與者思歸之深也狂者進取也簡大也斐
然文章貌言我所以歸者以吾鄉黨之中未學之小
子等進取大道妄作穿鑿斐然而成文章不知所以
裁制故我當歸以裁之耳遂歸也不即歸而言此者
恐人怪已故

託此為辭耳

萬曆十四年刊

五言元本

一

子曰伯夷叔齊不念舊惡怨是用希

孔曰伯夷叔齊

孤竹君之二子孤竹國名

疏子曰伯夷叔齊不念舊惡怨是用希。正義曰

此章美伯夷叔齊二人之行不念舊時之惡而欲報復故希為人所怨恨也。註伯夷叔齊孤竹君之二

子孤竹國名。正義曰案春秋少陽篇伯夷姓墨名允字公信伯長也夷諡叔齊名智字公達伯夷之弟

齊亦諡也太史公曰伯夷叔齊孤竹君之二子也父欲立叔齊及父卒叔齊讓伯夷伯夷曰父命也遂逃

去叔齊亦不肯立而逃之國人立其中子於是伯夷叔齊聞西伯昌善養老蓋往歸焉及至西伯卒武王

載木主號為文王東伐紂伯夷叔齊叩馬而諫曰父死不葬爰及于戈可謂孝乎以臣弑君可謂仁乎左

右欲兵之太公曰此義人也扶而去之武王已平殷亂天下宗周而伯夷叔齊恥之義不食周粟隱於首

陽山采薇而食之及餓且死者是也孤竹地方之遠國名地理志遼西今支有孤竹城應邵曰故伯夷國

子曰孰謂微生高直

孔曰微生姓名高魯人也

或乞

醯焉乞諸其鄰而與之

孔曰乞之四鄰以應求者

用意委曲非為直人

疏子曰至由此之。正義曰此章明直者不應委曲也孰謂微

生高直者孰誰也孔子曰誰言魯人微生高性行正直或乞醯焉乞諸其鄰而與之者此孔子言其不直

之事醯醋也諸之也或有一入就微生高乞醯時自無之即可答云無高乃乞之其四鄰以應求者用意

委曲非為直人也

子曰巧言令色足恭

孔曰足恭便僻貌

左丘明恥之

丘亦恥之

孔曰左丘明魯太史

匿然而友其人

孔曰心內相怨而外詐親

左丘明恥之丘亦恥之

子曰已矣乎吾未見能見其過而內自訟者也包曰

訟猶責也言人有過莫能自責疏子曰已矣乎吾未見能見其過而內

自訟者也○正義曰此章疾時人有過莫能自責也

訟猶責也已終也吾未見有人能自見其已過而內

自責者也言將終不復見故云已矣乎

子曰十室之邑必有忠信如丘者焉不如丘之好學也

疏子曰十室之邑必有忠信如丘者焉不如丘之好學也○正義曰此章夫子言邑勤學也十室之邑

邑之小者也其邑雖小亦不誣之必有忠信如我者

焉但不知我之好學不厭也術確讀焉於虔切為下

句首焉猶安也言十室之邑雖小必有忠信如我者

也安不如我之好學也言亦不如我之好學也義雖

得通故具存焉

論語注疏 經卷第五

萬曆丁酉年刊 吾流卷五



